



t 021



1-25
2-3

禪林類聚
亨

楊政白雲五社法也

五社演禪師示衆云有人須須為華木海為觀向虛空休事
得祖師西來意五字老僧展座真禮拜施念大休公
綠樹陰濃其由長棲臺倒影入池塘水晶簾動
微風起滿架芭蕉微雨流香珠玉卷
相傳凡丈相不犯長松下古鶴眠深處空作旋說
夢後北海漫前玄豹吟枯竹蕭蕭

西明寺什物
四母

禪林類聚二之目錄

第六 示衆 勘辨 棒喝

第七 圓相 對機 賓主 家風

第八 經教 看經 講經 論議 祖偈

第九 姓名 頭首 知事 侍者 法屬

尼女 行童

第十 入境 心眼 肢體 真像

西明寺什物

禪林類聚卷第六

示衆

勘辨

棒喝

南泉示衆云心不是佛智不是道

馬祖云心即道休相與上得下

鼓山珪頌云心不是佛智不是道青山白雲落花芳草

若是靈利阿師終不回頭轉腦開善謙云太平時節

歲豐盈旅不齋糧戶不宿官路無人夜無月唱歌歸去

恰三更徑山杲云雨散雲收後崔嵬數十峯倚欄頻

顧望回首與誰同

仙桂傳時多到未十二時中即心

南泉示衆云江西馬大師說即心即佛王老師不恁麼不

是心不是佛不是物恁麼道還有過麼

鼓山珪頌云剔起便行三萬里只今休去八千年分明

更爲從頭舉一任諸方取次傳 徑山杲云倒腹傾腸
說向君不知何故尚沈吟而今便好猛提起付與世間
無事人 靈巖日云倒腹傾腸幾箇知更無絲髮可相
依直饒徹底承當去也落他家第二機
黃檗連禪師示衆云汝等諸人盡是啜酒糟漢與麼行脚
何處有今日還知大唐國裏無禪師麼時有僧出云只如
諸方匡徒領衆又作麼生師云不道無禪只是無師
爲山問仰山作麼生仰云鵝王擇乳素非鴨類爲云此
實難辨 五祖戒出僧語云謝和尚說得道理好 石
門聰云黃檗垂示不妨奇特纔被布衲挨拶著失却一
隻眼 承天宗云五祖戒眼照四天下要見黃檗猶未
可若要扶豎正法眼藏須是黃檗宗師 翠巖真云諸

確ハコ口ハコ角ハコ四ハコ
三ハコ月ハコ
桃ハコ星ハコ塵ハコ也
今ハコハコハコハコ
擬議ハコハコハコ
ハコハコハコ

踏ハコハコハコ
ハコハコハコ

方商確便道黃檗坐却這僧又道黃檗被這僧上來直
得分辨不下何爲也翠岩輒生擬議霧豹澤毛未嘗下
食庭會養勇終待驚人 爲山詰云諸人還會麼莫恠
從前多意氣他家曾踏上頭關
雪竇顯頌云衆々孤風不自誇端居寰海定龍蛇太中
天子曾輕觸三度親遭弄爪牙 白雲端云大唐國裏
無禪師與君攜手歸家裏拋鉤本欲釣鯢鯨誰知釣得
跋鱸子 佛鑑數云黃檗山中明示衆大唐國裏暗藏
身袈裟一角猶拖地誰是叢林有眼人 佛慧泉云無
師充塞大唐國啜酒糟漢會不得竹寺閑過春已深落
花亂點莓苔色 徑山杲云身上著衣方免寒口邊說
食終不飽大唐國裏老婆禪今日爲君註破了

洞山和尚禪師示衆云言無展事語不投機承言者表滯句者迷

此句在卷中之高麗王太子金

粘縛二字三處

鼓山珪頌云只要按楔抽釘爲人解黏去縛如何洞山老人先自藤蛇繞脚徑山果云言無展事語不投機承言者表滯句者迷逢人不得錯舉

臨濟示衆云夫一句語須具三玄門一玄門須具三要有權有用汝等諸人作麼生會

此本

慈明圓頌云第一玄三昧諸佛擬何宜垂慈夢裏生輕薄端坐還同落斷邊第二玄靈利衲僧眼未明石火電光知是鈍揚眉瞬目涉關山第三玄萬象森羅宇宙寬雲散洞空山嶽靜落花流水蒲長川第一要豈語聖凡妙擬議涉長途擡眸七顛倒第二要峯頂敲搥召神道

自在來多開門外叫第三要起坐令人笑掌內握乾坤千差都一照

此句在卷中之高麗王太子金

此句在卷中之高麗王太子金

睦州示衆云大事未明如喪考妣大事既明如喪考妣保寧舅頌云春去秋來古與今相逢休論歲時深飢餐渴飲無他事盡聽蒲頭霜雪侵

三聖然禪師示衆云我逢人即出出則不爲人興化聞云我逢人即不出出則便爲人

白雲端云大衆此二尊宿各有一處打得著且道那箇在前那箇在後還有人向這裏定當得麼良久云妙舞莫誇回雪手三臺須是大家催五祖演云大衆此二古德一人文章浩渺一人武藝全施若道興化是文亦不得若道三聖是武亦不得還於此辨得出麼若辨得

指大儒者
官位

出許你通身是命若辯不出你自相度保寧勇云此
二尊伯與麼爲人猶在半途保寧今日路見不平拈拜
杖下座大衆一時走散擲却便歸方丈天童覺云隨
也隨也今日不是滅古人聲光且要長後人節槩若是
本色漢提祖佛印轉鐵牛機把拄杖一時穿却方見衲
僧手段

保寧勇頌云騎驢戴笠迎南去躍馬搖鞭向北行兩箇
大商俱笑曉日高猶聽打三更佛鑑歎云城南措大
騎驢子市北郎君跨馬兒各各四蹄俱踏地三春同到
金明池圓通偈云翻是羅方履是繡弟兄同氣復連
枝爲人不爲成歌曲祖父田園夢及時佛燈珣云湖
光潋灩晴方好山色空濛雨亦奇若把西湖比西子淡

陽燄野馬三
十日足二四
五水三日廿
二二二二二
二二二二二

德山紹云乍雨乍晴山裏寺或來或去洞中雲滿天星月明
糝濃抹總相宜臨山果云陽燄何曾止得渴盡餅幾
時充得飢勸君不用栽荆棘後代兒孫惹著衣
白水仁禪師示衆云尋常不欲向聲前句後鼓弄人家男
女何故且聲不是聲色不是色時有僧問如何是聲不是
聲師云喚作色得麼云如何是色不是色師云喚作聲得
麼僧作禮師云且道爲汝說甚話若人辨得有箇入處
雪竇顯云本仁也甚奇怪要且貪觀天上既非聲前句
後且作麼生入大淵秀云本仁只知橫千不會豎百
如何是聲不是聲莫逐音響如何是色不是色莫逐青
黃且從伊向聲前句後覓箇安身自然別有生涯佛
鑑歎云拂迹成痕欲隱彌露既道聲不是聲色不是色
泊乎問著却云喚作聲得麼喚作色得麼本仁和尙鼓

弄人家男女亦不少矣而今欲得親功麼乃擊禪床云
還聞聲麼豎起拂子云還見色麼於此透過見聞許你
有箇出路應庵華云雪竇到這裏盡其神通無插手
處只如道既非聲前句後從甚麼處入往往十箇有五
雙蹉過還知薦福落處麼一箭落雙鵝
丹霞淳頌云色自色兮聲自聲新鶯啼處柳煙輕門門
有路通京國三嶋斜橫海月明

乾峯禪師示衆云舉一不得舉二放過一著落在第二雲
門出衆云昨日有人從天台來却往徑山去師云典座明
日不得普請便下座

雪竇顯云諸德雲門老只解一手擡不能一手搯還有
共相著力底麼試露爪牙看佛印元云此語衆中商

量甚多會者極少乾峯夢裏合眼跳黃河覺來身在牀
上雲門醉後扶人倒上樹醒來只在坐中二人打作一
團至今分疎不下若人知得落處許你解空第一
大
僞詰云乾峯善唱雲門善拍拍唱相隨風清古格還有
知音者麼一堂風冷淡千古意分明琅琊覺云路遙
知馬力歲久見人心
嵩山果云乾峯平地生堆韶石
因風起浪雖然合水和泥千古叢林榜樣既是叢林榜
樣爲甚麼合水和泥會麼不入洪波裏爭見弄潮人
黃龍心頌云乾峯舉一不舉二雲門擡手添意氣花開
花落任風吹自有馨香滿天地普融平云天台南嶽
去無蹤更有何人覲面逢東嶺雲生西嶺白前山花發
後山紅
慈受深云煮海成鹽終有味敲空作響本無

聲崑崙撞著波斯子。把手相將海底行。佛性忒云高。
樓美女一雙雙。各向瓊牕坐。玉牀繡出鴛鴦。呈似了金。
針深插錦香囊。白雲端云。黑白分明滿局棋。曾無一。
着有相虧。可憐無限傍觀者。斧爛柯消總不知。
夾山示衆云。明不越戶。穴不棲巢。目不顧他位。脚不踏他。
位裏。六戶不掩。四衢無蹤。學不停牛意。不立玄千劫。眼不。
借舌頭底。萬劫舌頭不顧。眼中明皎。機不假鋒銚。事到這。
裏有箇甚麼事。闍梨竿頭絲線從君弄。不犯清波意。自殊。
雲門。徧禪師示衆云。人人自有光明在。看時不見暗昏昏。
作麼生。是諸人自己。光明自代云。厨庫三門又云。好事不。
如無。

雪竇顯頌云。自照列孤明。爲君通一線。花謝樹無影者。

時誰不見見不見。倒騎牛兮入佛殿。白雲端云。徹底。
昏昏不待看。拄天拄地黑漫漫。三門厨庫長相對。一徑。
松風蒲院寒。圓悟勤云。夜明簾外千峯秀。鑿鏡臺前。
萬象殊。掃蹤滅跡不立錙銖。誰爲佛殿誰是香厨。敲出。
鳳凰五色髓。擊碎驪龍明月珠。

雲門示衆云。直得乾坤大地無纖毫過患。猶是轉勾不見。

一色。始是半提更須知有全提時節。松源岳頌云。百尺竿頭弄險。是非海裏橫身。更有全提。

大底持節。只堪悵惘不堪陳。雲居示衆云。得者不輕微。明者不賤用。識者不咨嗟。解者。
無厭惡。從天降下則貪寒。從地湧出則貴門。重由身易。
身裏出門。難動則埋身。千丈不動則當處生苗。一言迥脫。

有幾人
天童覺云
皤然渭水起垂綸
何似首陽清餓

音義三十一
 珍重有兩儀
 叔相見將還
 第四
 三十一
 一但合卷手縮
 首示教也又
 俗云安買主
 善加保重

鯉公島也
月白
禽評
作
維多利亞
紙市均也
大
緋以石也
合
理と大と

人只在一塵分，變態高名勲業難泯。

首山念禪師示衆云：第一句薦得與佛祖爲師，第二句薦得與人天爲師，第三句薦得自救不了，僧問和尚是第幾句，薦得師云：月落三更穿市過。

天童覺頌云：佛祖髑髏穿，一串宮漏沈沈寂，傳箭人天機發，發千鈞雲陣，輝輝急飛電，箇中人看轉變，遇賤則貴，貴則賤，得珠罔象兮，至道綿綿，游刃亡牛兮，赤心片片。

片

遊刃亡牛

仰山寂禪師因過山間，大地衆生業識忙忙，無本可據，子作麼生知他有之？與無師云：某甲有驗，與時有一僧從面前過，師召云：閣梨其僧回首，師云：和尚這箇便是。業識忙忙，無本可據，渴云：此是獅子一滴乳，迸散六斛驢乳。

獅子一滴乳，六斛驢乳，知七人，成機之三。

草堂清云：古人臨機施設，出在一時，此是因風吹火，用力不多，當時若無僧從，而前過仰山，將甚麼語驗他，不遇祖師端的，肯臨機開口，卒難應。

天童覺頌云：一喚四頭，識我不依倚，羅月又成鈎，千金之子，纔流落漠漠，塗窮有許愁。

仰山問僧：甚處人？云：幽州人。師云：汝還思彼中麼？云：常思。師云：能思是心，所思是境，彼中山河大地樓臺殿閣人畜等物，反思思底心，還有許多般麼？云：某甲到這裏總不見。有師云：信位即是人位，未是云：和尚莫別有指示不？師云：別有別無，即不中，據汝見處，只得一玄，得坐披衣向後自看。

天童覺頌云：無外而容無礙，而沖門牆岸岸關鎖重重。

兩兩樂
雷送

酒常酬而卧客飯雖飽而煩農突出虛空兮風搏妙翅
踏翻滄海兮雷送遊龍

烏臼禪師因玄紹二上座來參師問二禪伯發足甚麼處
云江西師遂拈拄杖打玄云久知和尚有此機要師云你
既不會後面箇僧祇對者紹擬近前師便打云信知同坑
無異土參堂去

雪竇顯云宗師眼目須至恁麼如今翅辟海直取龍吞
有般漢眼目求辨東西拄杖未至顛倒只管說照用同
時人境俱奪大鴻詰云烏臼大似巨靈逞臂太花之
威蒼龍展垂珠之勢自得乾坤失色乃拈拄杖云諸人
還識烏臼麼若也識去按鎖鄧裝中獨據若也未識
棒頭有眼明如日卓拄杖一下曹源生云顯大機明

月林皎頭云大月現前得自由相連何許更提解淨花空素霜同若況是芭蕉不雨秋

寸釘入木
六指不空
云云語

大用奮寰中意氣運闔外籌畧則不無烏臼檢點將來
未是本分草料若要據令而行盡大地一時荒却何故
寸釘入木

徑山杲
口快
擬云
泊云

鼓山珪頌云赤身挨白刃死中還得活一箭自迷蹤萬
車皆喪轍徑山杲云猛焰不容蚊蚋泊大海那能宿
死屍任是三頭并六臂望風無不豎降旗

棒喝

徑山杲云棒喝云云

南泉願禪師示眾云文殊普賢昨夜三更起佛見法見每
入與二十棒趁出院也趙州出眾云和尚棒教誰打師云
王老師過在甚處州乃作禮師便歸方丈
雲門代云深領和尚慈悲某甲歸衣鉢下得箇安樂又
代云與眾除害玄覺云且道趙州休去是肯南泉不

香南泉 五祖演云白雲則具大慈悲遂拍手云舅殊
室利普賢大士不審不審今後更敢也無自云一度被
蛇傷怕見斷非索 夾山然云南泉一期逞俊爭奈平
地生堆趙州雖則覲面投機不免腦門著地 佛鑑勸
云大似無手人行拳無口人叫喚無手人擔簦無口人
口無口人咬著無手人手恁麼會得方知道法性不動
動徧三界之中至理無言言滿四天之下若也不會紅
塵飛碧海白浪湧青岑 徑山泉云南泉無過口能招
禍趙州禮拜草賊大敗徑山不營結案據款文殊普賢
且過一邊

我與白雲

佛燈珣頌云鴛鴦綉出世無雙好手元來更有強呈罷
各歸香閣去金針難把度蕭郎 佛印元云普賢昨夜

註

聞文殊趁出還同兩手袂印得趙州行正令從茲王老
一時無 佛鑑勸云彩雲影裏仙人現尋用紅羅扇遮
面無人著眼看僊人却看隨後紅羅扇

鳥白 師問僧近離甚處云定州師云定州法道何似這

裏云不別師云若不別更轉彼中去便打僧云棒頭有眼

不得草草打人師云今日打著一箇也必打三下僧便出

去師云你棒元來有人喫在云爭奈杓柄在和尚手裏師

云汝若要中僧回與汝僧近前奪師手中棒打師三下師

云你棒屈棒僧云有人喫在師云草草打著箇漢僧禮拜

師云却與麼去也僧大笑而出師云消得恁麼

雪竇顯頌云呼即易遣即難互換機鋒子細看却石固

來箇可與滄溟深處立須乾鳥白老鳥白老幾何般

○ 花 木 同
く じ 録

云德山大似清平世界。鎗甲磨鎗。這僧不惜性命。身挨

風顛漢都來這裏持虎鬚參堂去

鴻山問仰山云臨濟得太愚力黃檗力仰云非但持虎

鬚亦解坐虎頭應庵花云你諸人還覷得透也未直

饒一咬便斷也未是大丈夫漢三世諸佛口掛壁上天

下老和尚將甚麼喫飯三句語連綿不斷

白雲端頌云一拳拳倒黃鶴樓一踢踢翻鸚鵡洲有意

氣時添意氣不風流也風流保寧勇云雷電喧轟

海嶽咸一家愁閉雨中門狂風忽起烏雲散白日滿天

星斗分黃檗勝云叢林猛烈是黃檗拈棒使打途中

客回到大愚却知恩老婆面上與一掴真淨文云便

言黃檗無多子大丈夫兒豈自乖脇下三拳明有信不

從黃檗付將來佛眼遠云壁開花嶽連天色放出黃

河到海聲聽驢死後高枝折大地如今有幾人天童
覺云九包之雛千里之駒真風展翮戰機發樞磬而來
時飛電急迷雲破處太陽孤捋虎鬚見也無箇是雄雄
大丈夫

臨濟出世後唯以棒喝示徒凡見僧入門便喝

海印信頌云臨濟喝霹靂一聲邪腦裂忽然透出蒼龍

尤擊碎明珠拗角折佛國白云當機喝喝震春雷萬

蟄龍蛇眼豁開忽若翻身無伎倆任從千古卧塵埃

大洪恩云入門便喝已是似怕無限杜禪和猶更論該

拈普融平云赫日光中轟然霹靂禹門浪急風高無

限錦鱗點額佛燈珣云張公未醉李公扶從此佳聲

滿道途却被金剛開口笑誰能愛你護身符徑山杲

云入門便喝全無巴鼻引得兒孫弄粥飯氣

臨濟問德山示眾云道道得也三十棒道不得也三十棒師令侍者即洛去問爲甚麼道得也二十棒道不得也三十棒他若打汝汝便接住推一推看他如何侍者如教至彼問山便打者接住推一推山便歸方丈問却門者四衆似帥師云我從來疑著這漢雖然如是汝還見德山麼者擬議師便打

巖頭云德山尋常只據目前一箇拄杖子佛來也打祖來也打爭奈較些子東禪齊云只如臨濟道我從來疑著這漢是言底語不肯語爲當別有道理試斷看海印信頌云單于自負藝過人小將教詔去似真到彼果然願小捷回來未免臨全身佛鑑勸云譬若金籠

鸚鵡兒蕭如紅玉一青衣雖然學得人言語問著元來總不知

臨濟問僧甚麼處來僧便喝師便揖坐僧擬議師便打又一僧來師豎起拂子僧禮拜師便打復見一僧來師亦豎起拂子僧不顧師亦打

鼓山珪頌云主賓都落第三機陣陣開旗不展旗石火光中分勝負倒騎鐵馬上須彌徑山杲云五月五日午時書赤口毒舌盡消除更饒急急如律令不須門上畫蜘蛛松源岳云閃電光中賓主分虛空背上立網

宗祖師活計只如此後代兒孫掃地空

臨濟一日問僧云有時一喝如金剛王寶劍有時一喝如踞地獅子有時一喝如探竿影草有時一喝不作一喝用

汝作麼生會僧擬議師便喝

汾陽昭頌云金剛寶劍威雄一喝能摧萬刃鋒遍地
乾坤皆失色須彌倒掉半空中金毛踞地衆威全一喝
能令喪膽魂嶽頂峯高人不見猿啼白日更黃昏詞鋒
探草辨當人一喝須知見有真大海淵澄含萬象休將
牛跡比功深一喝當陽勢自歆諸方盡有好商量盈衢
溢路歌謠者古往今來不變常 劒門庵主云是非穿
鑿不相干四喝諸方莫錯看六道四生平等法牧童吹
笛過前山

睦州蹤禪師問僧近離甚處僧便喝師云老僧被你一喝
僧又喝師云三喝四喝後作麼生僧無語師便打云這掠
虛漢

應庵華云叢林中商量道他三喝四喝後如何便與掀
倒禪牀不然拽坐具劈口撼不然拂袖便行不然更與
一喝恁麼說話要稱爲達磨兒孫大遠在漆桶參堂去
雪竇顯頌云兩喝與三喝作者知機變若謂騎虎頭二
俱成瞎漢誰瞎漢拈來天下與人看

睦州見僧來云見成公安放你三十棒云云僧云
某甲如是師云寺門前金剛爲甚麼堅拳云金剛尚乃如
是師便打趁出云這掠虛漢

雲門云睦州正恁麼時天下人披枷帶鎖 徑山杲云
雖然無孔笛撞著穩拍板直是五音調唱六律諧和子
細檢點將來未免傍觀者哂且道誰是傍觀者良久云
不得動著動著打折你驢腰

覺海元頌云見成公案未除瑕放曠方能脫鎖枷四海
澄清人當庶更來石上種油麻海印信云呼蛇易遣
蛇難袖裏金鎚不易者是安夜夜家家月誰知愁樂有
多般佛燈珣云見成公案便相當秤則秤兮斗則量
非較當年二十棒至今平步也蜘蛛
霍山通禪師因到仰山前乃翹一足云西天二十八祖亦
如是唐土六祖亦如是和尚亦如是某甲亦如是仰山下
禪牀打四下藤條一本

雪竇顯云藤條未到折因甚麼只與四下須是箇斬釘
截鐵漢始得翠巖芝云亦不得作賞亦不得作罰和
今作麼生會棲賢遷云且仰山打伊四藤條是何道
理莫是打伊不會莫是打伊說道理也恁麼會何曾夢

見山僧道苦熱連根苦甜瓜徹蒂甜

野軒通頌云集雲峯下四藤條幾嶮當時打折腰堪笑
後來稱猛將只知空說霍嫫姚保寧勇云竺國支那
咸印定更無毫髮可希差眼橫鼻直喧太下一頓殘羹
永不飢圓通偈云集雲峯下四藤高打破瀟川路一
條似鶴似雲天地外如龍如鳳在煙霄

通禪師到霍山自云集雲峯下四藤條天下大禪佛參山
乃喚維那云打鐘者師便走

雪竇顯云這漢雖見機而變爭奈有頭無尾

圓通偈頌云藤條喫了任閑遊未到半關未肯休打鼓
打鐘俱是令知機識變有誰信

興化獎禪師陞堂云今日不用如何若何便請單刀直入

興化與你證據時。是德長老出禮拜起。便喝。師亦喝。師又喝。師亦喝。德禮拜。師云。若是別人三十棒。一棒也較不得。何故。為他是德會。一喝不作。一喝用。便下座。首山念云。看他興化與麼作用。為甚麼放得。伊過諸上座。且道。甚麼處。是一喝不作。一喝用。是前一喝。是後一喝。那箇是賓。那箇是主。雖然如此也。須子細始得。良久云。二俱有。過二俱無。過珍重。琅琊覺云。且道。那一喝不作。一喝用。興化若無後語疑殺天下人。雖然如是。曉者還稀。松源岳云。興化勾賊破家。是德把鑿投衙。更道。他會一喝不作。一喝用。不知凌滅我臨濟宗風。不見這作家不啐啄。啐啄同時失。海印信頌云。龍虎相交。是底時。未容擬議。已參差分明。

一喝不作用。却使禪人特地疑。雲溪恭云。獍龍出水。虎離山。四起風旋。蕩項煙。若具阿那律正眼。橫身三界背摩天。鼓山珪云。單刀直入。不須論擬議之間。賓主分不得。放他。是德過。須知興化棒頭親。徑山杲云。暗中劈手。上高山。及至天明。各自行。無限途中未歸客。明開眼。陷深坑。

興化因同叅來。纔上法堂。師便喝。僧亦喝。行三两步。師又喝。僧亦喝。須臾近前。師拈棒。僧又喝。師云。你有這瞎漢猶作主。在僧擬議。師便打。直打下法堂。師却歸方丈。有僧問。適來僧有甚言句。師云。是他適來也有。推也有。實也有。照也有。用我將手向伊面前。劃一劃。到這裏却用不得。似這瞎漢不打。更待幾時。

圓悟勸云卞王庫刀依塗毒鼓掣雷未足以擬其迅震
雷未足以方其威可謂善驅耕夫之牛能奪飢人之食
只如主賓互換有照有用有權有實則且置甚處是興
化將手向伊面前劃一劃若這裏洞明可以荷負臨濟
正法眼藏如或泥水未分未免瞎驢趁大隊應庵花
云興化門牆千仞從來家法森嚴這僧暗透重關要者
洞中春色好則好未免二俱失利我如興化道我將手
向伊面前劃一劃又作麼生天堂未就地獄先成
鼓山珪頌云霹靂驚天地那容掩耳聽須知興化老一
半是人情退庵休云恰如劃子氣雄豪便向咽喉下
一刀五臟肝心皆盡出方知王法不相饒徑山杲云
鎖鐔在握天驚膽落明眼衲僧休更卜度劍門庵主

云長松不改四時青縱垂當幾幾明陣敗不禁茗簪
掃眼中瞳子面前人

興化謂眾云我聞長廊下也喝後架裏也喝諸子汝莫盲
喝亂喝盲饒喝得興化上二十三天却撲下來一點氣也
無待興化蘇息起來向汝道未在何故如此我未曾向紫
羅帳裏撒真珠與你諸人去在你虛空裏胡喝亂喝作麼
麼

佛性忝云驅耕夫牛奪飢人食擊磬明月珠敲出鳳凰
髓可謂富貴中富貴風流中風流渴飲嘉聲充今未已
敢問大衆只如興化道未曾向紫羅帳裡撒真珠作麼
生會或若總道咄我也知你跳不出水庵一云興化
是則是大似如飢渴飲若翠雲則不然待你喝得翠

雲山低動却向伊道弄粥飯氣

鼓山珪頌云紫羅帳裏撒真珠禪客相承總掠虛拍手

呵呵開口笑釋迦彌勒是他奴徑山果云對眾全提

摩竭令豈是閑閑兩片皮喝下瞎驢成隊走夢中推倒

五須彌

揚歧會師師問慈明喻鳥語喃喃辭雲入亂峯時如何明

云我行荒草裡汝又入深村師云官不容針僧不容一粟明

便喝師云好喝明又喝師亦喝明連喝兩喝師便禮拜

松源岳云二人父子譬如弄珠不觸其手不墮其地不

往於空亦無玄妙箇裏如何眨眼喝一喝

白雲端頌云將出驪珠過大商金盤撥動有餘光無煩

一句論高僧把手歸家笑幾場

禪林類聚卷第七

圓相

對機

賓主

家風

圓相

南泉願禪師與諡宗麻谷同往謁忠國師至中路師於地上畫一圓相云道得即去宗於圓相中坐谷便作女人拜師云與麼則不去也宗云是甚麼心行師乃相喚回不去

禮國師

玄覺云只如南泉恁麼道是肯底語不肯底語雲若

錫云比來去禮拜國師南泉爲甚麼却相喚回且道古

人意作麼生雲若元云歸宗麻谷氣宇如玉落在南

泉閣裏當時見他畫圓相拂袖便行直饒南泉更有神

通也較三千里。保寧勇別師宗拍手大笑便起去。
天童覺云：我當時若見，便與撥却圓相，不唯打破南泉，
窠窟亦乃教歸宗，無著身處。麻谷呈伎倆，不得泉云：與
麼則不去也。果然果然。

汾陽招頌云：國師欲見義多般，圓坐端居，拜請看不去。
同音聞便解，又經行陣奪旗旛。雪竇顯云：由其箭射
猿絛，樹何太百千面。與禹箇是誰曾步的相呼。相喚歸
去來。曹溪路上休登陟，復云：曹溪路坦平，爲甚麼休登
陟。保寧勇云：漫漫大地盈尺雪，江湖一片難分別。漁
父披蓑，月下歸，誰道夜行人路絕。

大滄祐禪師因念佛，馳書上王常侍王看書了，乃問和尚
近日有何言句。僧云：有僧問如何是祖師西來意，師云：

拂子。王云：彼中兄弟如何商量。云：借色明心，附物顯理。土
云：不是這箇道理。上座快回山去好。某甲有回書到和尚
處，僧得書遂回持上師。師拆開見中畫一圓相，內寫箇日
字。師云：誰知千里外有箇知音。仰山侍次，乃云：雖然如是，
也祇是箇俗漢師云：子又作麼生。仰却畫一圓相於中書
箇日字，却以脚抹著。師乃大笑。一本異

保寧勇頌云：南星北斗總移位，四海九州如鼎沸。波斯
匿王鼻柱天，樓至如來腳踏地。

仰山寂禪師一日有梵僧來師於地上畫半月，相僧近前
添作圓相，以脚抹却。師展兩手，僧拂袖便出。

承天朗云：仰山大似痘子，喫苦瓜。圓悟勤云：以膠投
漆，將鹽入醬，羽毛相似，體段一般。雖然如是，大小仰山。

被箇梵僧勘破

本覺一頌云寂子偶逢穿耳客曾將半月示伊家僧添半月翻然去知道親逢小釋迦

仰山在洪州石亭驛後坐次有僧問和尚還識字不師云隨分僧乃右旋一匝云是甚麼字師於地上書箇十字僧又左旋一匝云是甚麼字師改十字作卍字僧畫一圓相以兩手托如脩羅掌日月勢云是甚麼字師乃畫圓相問却卍字僧乃作樓至勢師云如是如是此是諸佛之所護念汝亦如是言亦如是善自護持其僧禮拜騰空而去

大童覺頌云道環之虛靡盈空印之字本形妙運天輪地軸密羅武緯文經放開捏聚獨立周行機發玄樞兮青天激電眼含紫光兮白日見星

今天張月中卷
卍字圓相

吾

羅經

資福贊禪師因陳操尚書來師便畫一圓相陳云弟子與麼來早是不著使那堪更畫圓相師於中著一點陳云將謂是南番舶主師便歸方丈閉却門

大滄詰云資福雖是本分煩惱爭奈陳操是煅子精金

諸人要識資福麼等閒擲一釣驚動碧波龍虎亦隆

云資福買鐵得金一場富貴是則是爭奈公案未了今

日諸人土入山相見山僧不畫圓相亦不掩却方丈門

且道與資福老人是一是二還知落處麼竹院相逢無

一事大家同喫趙州茶應庵華云雖然如是若到天

童門下未放過在當時待陳操尚書道弟子恁麼來早

是不著使那堪更畫圓相大童大開東閣明牕下如法

安排何故門內有君子門外君子至

重寶顯頌云。圓團珠繞玉珊珊。馬載驢馳上鐵船。分付
齊山無事客。釣鼈持下一捲竿。師復云。天下衲僧。跳不
出。

資福贊禪師僧問如何是古人歌師乃畫圓相對之。

投子青頌云。一曲兩曲深夜彈。松風和雨過前山。可憐
卞玉雖荆岫。誰是知音却取還。

對機

石頭遷禪師問青原云。和尚自離曹溪甚時到此間住。尔
云。我却不知。汝甚時離曹溪。師云。某甲不從曹溪來。原云。
我已知汝來處了也。師云。和尚幸是大人。且莫造次。

卅霄淳頌云。木人來問青霄路。玉女年尊似不聞。携手
相將歸故國。暮山芳鎖車雲。

善方語
會念
特念
新時
火

百丈海禪師因瀉山五峯雲巖侍立。次師問瀉山。併却
喉唇。吻作麼生道。瀉云。却請和尚道。師云。我不解。向汝道。
恐亡後喪我兒孫。師又問五峯峯云。和尚也須併却。師云。
無人處。斫額望汝。師又問雲巖巖云。和尚有也未。師云。喪
我兒孫。

雪竇顯頌云。却請和尚道。虎頭生出。荒草十洲春盡。
花凋殘。珊瑚樹林日杲杲。和尚也併却。龍蛇陣上看謀。
畧。令人長憶李將軍。萬里天邊飛一鶚。和尚有也未。金
毛獅子不踞地。兩肋三三舊路行。大旌山上空彈指。
保寧勇云。三箇兒郎總長成。大家將本各經營。其間消
折兒嫌弟也有。贏錢弟怨兄。佛鑑懃云。却請和尚道。
千人萬人听不到。杲日朦朧。無而紅。清風凜凜。霜天恍。

和尚也併却後人雙踏前人脚其餘不同途畢竟
到頭輪一著和尚有也未且向自身明見地未能展翼
逆風飛少逐青雲千里志

南泉願禪師問黃檗定慧等學明見佛性是不檗云十二
時中不依倚一物師云莫便是長老見處不檗云不敢師
云漿水錢且置草鞋錢教誰還檗不對

鴻山問仰山云莫是黃檗搆南泉不得麼仰云不然須
知黃檗有陷虎之機鴻云子見處得與麼長保福展
云若無鴻仰埋沒著黃檗五祖戒云仰山大似為蛇
盡足雲峰悅云若不同牀卧焉知被裏穿

佛眼遠頌云問谷分明已切磋幾人於此見諸訛少年
俱次龍蛇陣老倒同吟稚子收佛眼勸云來也及

跨箕毛驀然一陣天風起捲盡千重萬重雲碧空寂寂
疑如水海印信云兩陣交鋒戰不難埋兵調鬪何人
曉人解輪鎗趁勢來喪身失命有多少佛慧泉云獵
獵奔馳勢不休草深風勁更堪愁翻身獅子無尋處空
使行人說路頭

鴻山問仰山終日與子商量成得箇甚麼還事仰山於空
中劃一劃師云若不是吾終被子惑

佛印元頌云盡日商量古佛言當時一劃却成冤至今
尚有鴻山在莫道宗枝絕子孫地藏恩云松直棘曲
烏玄鵲白木後商量空中一劃若言向上玄關走殺諸
方禪客

趙州一日問南泉明頭合暗頭合泉便歸方丈師歸堂去

不敢作手
毛之五下之心
得教經云
金銀二珠
三主母分持
水

云這老和尚被我問直得無言可對首座云莫道和尚無言自是上座不會師便與首座一掌云這一掌合是堂上老漢喫

五仙戒云正賊走却羅賊人喫棒又云南泉當斷不斷返招其亂雲居辨云你諸人作麼生會諸人會契便道首座落他趙州縵續與麼會又爭得大愚道趙州大似傍若無人

保寧男頌云大事當陽已皎然十分須是史周圓堂中上座黑如漆冷地爲誰喫暗拳

趙州曾問南泉離四句絕百非請師道泉便下座歸方丈師云這老漢尋常口吧吧地今日被我一問直得無言可對侍者云莫道和尚無語好師便與一擗云這一擗合是

王老師喫

圓悟勤云明頭合暗頭合本分綱宗據虎頭收虎尾作家手段雖然如是要且落在第二頭

智門祚頌云離却四句絕百非作者相諳識得伊跳下禪牀使師去從他鷄子搏天飛

活喜智禪師到五峯峯問深識藥山老宿麼師云不識峯天爲甚麼不識師云不識不識

丹霞淳頌云白雲深處路難通擬問蹤由已涉功掛角羴羊無影跡從容還落正偏中

黃連禪師僧問如何是聲前一句師云聲前無句聲後問將來

投子青頌云空劫前時曠路閑聲前無句信人難欲窮

滄浪白雲曲，且有石人露半顏。
巖頭豁禪師因羅山問起滅不停時，如何師乃咄云：是誰起滅？

松源岳云：古人慈悲之故，有洛草之談薦福，即不然，忽問起滅不停時，如何？但與一喝。

天童覺頌云：斫斷老葛藤，打破狐窠窟，豹披霧而變文，龍乘雷而換骨，咄起滅紛紛，是何物？

崇福志禪師僧問：如何？是寬廓之言，師云：無舌人道得。投子青頌云：寬廓言時，不犯舌清風，高顏碧雲斜，石人貪話，西峯事不覺，東巖起霧遮。

廣德義禪師僧問：古人云言語道斷，非去來今，此理如何？師云：卻勸涅槃知幾劫，護明猶未降迦維。

丹霞淳頌云：妙湛圓明第一機，降生成道涅槃時，迦維摩竭雙林樹，認著元來不是伊。

雲門偃禪師問：乾峯云：請師答話，峯云：到老僧也未？師云：恁麼則？某云：在遲也。峯云：恁麼？那恁麼？那師云：將謂猴白，更有猴黑。

應庵華云：二老宿一等相見，就中奇特光孝，今日爲諸人說道理，一偏將謂春歸無處，不知還入此中來。天童覺頌云：絃筈相銜網珠相對，發自中而箭箭不虛，攝衆景而光光無礙，得言句之總持，住遊戲之三昧，妙其間也，宛轉偏圓，以如是也，縱橫自在。

雲門僧問：如何？是啐啄之機，師云：響。

真靖文頌云：有問啐啄機，雲門答云：響。昨日雷震天，夜

來山水長
圓通偈云
啐啄之機
響字酬道
空雷電忽

來山水長。圓通偈云。啐啄之機。響字酬道。空雷電忽。
與門僧問。不是目前機。亦非目前事。持如何。師云。倒一說。
重寶顯頌云。倒一說。分一節。同死同生。為君決。八萬四
千非。鳳毛三十三人入虎穴。別別擾擾。忽忽水裏月。
正覺逸云。倒一說。清人骨。萬里無片雲。拋下一團雪。別
別老大禪翁。甘滅舌。野軒遵云。倒一說。這饒舌。無端
都把天機泄。四海九州徒蹶蹶。飛出龍宮。鑽螳元。
雲門僧問。如何是沙門行。師云。會不得云。為甚麼會不得。
師云。祇守會不得。
智門祚頌云。君問沙門行。沙門行最高。若教人會得。業
性卒難逃。
要本中。新。老。行。也。在。此。中。有。一。十。四。工。字。也。
入。く。レ。ニ。三。思。の。利。を。入。ル。ン。云。

南院顯禪師上堂云

和。豆。心。
不。隨。心。
任。之。

南院顯禪師上堂云。赤肉團上。壁立萬仞。時有僧出問。赤
肉團上。壁立萬仞。豈不是和尚道。師云。是。僧便掀倒繩牀。
師云。你看。這漢。亂做。僧擬議。師便打。趁出院。
應庵華云。也是勾賊破家。若非這僧。敢捋虎鬚。爭見南
院汗馬功。雖然。明果更。真一路。赤肉團上。壁立萬仞。
若有僧出。劈脊便打。何故。殺人刀。活人劍。具眼者。看。
塗毒策云。莫信直中直。須防仁不仁。這僧雖亂逞英雄。
南院是作家手段。然而美則美矣。若是徑山。即不然。纔
見他道。是和尚語。不隨聲。便打。何也。驗人端的。與下口
便知音。松源岳云。這僧一味小心。放大膽。南院老也。
是養子之緣。
鼓山珪頌云。掌中擎白日。舌上覆金錢。壁立爭千仞。毫

光徹梵天 徑山杲云赤肉團邊用得親主賓有理各
難伸兩箇驢子相逢著世上如今無直人

金峯志禪師僧問四海晏清時如何師云猶是階下漢

丹霞淳頌云四海煙塵已晏然當軒皓月照人寒大功
不賜將軍賞寶馬金鋪頓懶觀

報慈嶼禪師僧問承古有言情生智隔想變體殊只如情
未生時如何師云胎云情既未生隔箇甚麼師云這稍郎
子未遇人在

琅琊覺云報慈不妨入泥入水若據衲僧門下遠之遠
矣 黃龍新云報慈也是小慈妨大慈這僧還同受屈
稍郎子未遇人在今時人往往作是非會却不作是非
會如何理論良久云天上有星皆拱北人間無水不朝

東 開福寧云報慈一滿佛祖命脉放去收來聖凡因

測隔不隔若為陳機取詩書歸舊德野馬啼馬一般春

天衣懷頌云報慈一隔衲僧命脉欲識一貫附後伍伯

白雲端云無情猶隔若為通絲髮之間路萬重可惜兩

頭空走者不能直下見其宗 大中錄云隔青天無雲

轟霹靂叢林衲子如稻麻不知幾箇僊踪客

青峯楚碑師僧問大事已成爲甚麼也如喪考妣師云不

得春風花不開及至花開又吹落

丹霞淳頌云家山歸到莫因循竭力寅昏奉二親機盡

功忘恩義斷便成不孝闍提人

上藍超禪師僧問如何是上藍本分事師云不從千聖借

豈向萬機求云不借不求時如何師云不可拈放閣梨子

裏得麼

丹霞淳頌云一片虛明本妙圓箇中非正亦非偏寶峯
瑞草無根蒂不待春功色自鮮

大原孚上座初到雪峯纔上法堂額祝雪峯便下去見知
事明日却上方丈作禮云昨日觸忤和尚峰云知是般事
便休後有僧問雲門作麼生是觸忤雲門便打

雪竇顯於見知事處云一千五百人善知識被孚老一
覷便高豎降旗又於便休處云果然於末後云打得百
千萬億箇有甚麼用起直須盡大地人喫棒方可扶豎
雪峯且道孚上座具甚眼

海印信頌云李廣將軍古今無到深入虜庭全身遠害
不動干戈疏小捷公案遊龍無聲在

重雲禪師僧問如何是歸根得旨師云早時忘却不憶塵
生

投子青頌云家破人亡何處依無心無緒話求歸十年
忘盡來時路暫憶些兒總不知

蜀州西禪師師僧問如何是非思量處師云誰見虛空夜
點頭

丹霞淳頌云一點靈明六不收昭然何用更凝眸箇中
消息人難委獨有虛空暗點頭

異本云云明ハマリフネナリ

瑞巖彦禪師問夾山與麼即易不與麼即難與麼與麼即
惺惺不與麼不與麼即空界與麼不與麼請師速道山
云老僧謾開梨去也師便喝云這老和尚是甚麼時節便
出去後有僧舉似巖頭頭云苦哉我我一枝佛法與麼流

將去

佛鑑勸云端巖恁麼問。風不鳴條。夾山恁麼答。雨不破塊。巖頭恁麼說話。嘉禾合穗。時老謳歌。雖然如此。總欠一箇在何故。此事但將公道斷。人心雖與月輪齊。大瀉智云。端巖問處。款出囚口。夾山逢入。展于巖頭。有判斷手段。今古流輝。雖然如是。各自有據。檢點將來。無風起浪。

白雲藏禪師僧問。如何是深深處。師云。矮子度深溪。丹霞淳頌云。白頭童子智尤長。半夜三更渡渺茫。任運往來無間斷。不消厭艇與浮囊。

風穴到黃龍。龍問。石角穿雲路。垂條意若何。師云。紅霞籠玉像。擁幢照川原。云。恁麼則相隨來也。師云。和尚低聲。

投子青頌云。無價明珠暗處懸。夜深將把木人穿。誰知却被泥牛見。吞入紅霞碧浪淵。

同安志禪師僧問。二機不到處。如何舉唱。師云。偏處不逢玄中不失。

丹霞淳頌云。這邊那畔總難逢。一句無私不處中。紅日暮沈西嶂外。空留孤影照溪東。

法眼問。修山主。毫釐有差。天地懸隔。是如何。修云。毫釐有差。天地懸隔。師云。與麼道。又爭得。修云。某甲只與麼。師兄作麼。生師云。毫釐有差。天地懸隔。修遂禮拜。

東禪齊云。山主恁麼祇對。爲甚麼不肯。及乎再請。益法眼亦只恁麼道。便得去。且道。疑訛在甚麼處。若看得透。道上座有來由。五祖出法眼。辟脊便打。保寧勇代。

修山主云。恁麼會。又爭得。元豐蒲云。噫。許大修山主。被泥彈子。換了眼睛。還知麼。復云。後面禮拜。也是停囚。長智。徑山杲云。法眼與修山主。絲來線去。綿綿密密。扶豎地藏門風。可謂滿月光生。若是德山臨濟門下。更買草鞋行脚。始得爲甚。如此毫釐有差。天地懸隔甚處。得這箇消息來。

汾陽昭頌云。宗師故故問同人。一擊毫釐附路分。再審便能明的旨。自然清白不從聞。保寧勇云。石城親切問。同參不語東西便。指南明暗兩條來。往路依稀屈曲在煙嵐。正覺逸云。堪悲堪笑。修山主因地起。因地倒。覷面難藏第一機。令人却憶雲門老。佛印元云。六國當時已太平。太平纔久不知兵。修公換得長蛇陣。天

下人人會死生。天童覺云。秤頭蠅坐。便欺傾萬世。權衡照不平。斤兩錯。鉢見端的。終歸輸我定盤星。

法眼僧問如何。是塵劫來事。師云。盡在于今。

楊次公頌云。塵劫來事盡在于今。却不會而壁沈吟。梁山觀禪師僧問如何。是日用事。師云。碧玉點破。琉璃色。滿目紅塵。不見沙。

丹霞淳頌云。劫火洞然無相宅。金門不覩玉樓家。寶天雲濤銀河冷。浩浩波瀾豈動沙。

黃檗慧禪師謁疎山。正值坐法堂。參次。師先顧視大眾。然後設問云。刹那便去時。如何。山云。逼塞虛空。你作麼生去。師云。逼塞虛空。不知不去。山休去。師下。至僧堂前首座。謂師云。適觀上座祇對和尚。語甚奇特。師云。此乃率爾實自。

偶然敢望慈悲開示愚迷座云一剎那間還有擬議也無師於言下有省

西禪需頌云通塞虛空不如不去前後際斷今亦無住

倒騎佛殿出三門却把三門掛露柱

五祖演禪師凡見僧來便云何屈僧云屈作甚麼師云如今不屈更待何時

佛眼遠頌云盡力不奈何按牛頭喫草若無錦綉文難以論嘉藥

黃龍南禪師僧問不去不來時如何師云華嶽三峰頭倒卓云却去却來時如何師云風吹柳絮毛毬毬

靈光觀頌云冰雪肌膚西舍女梳粧巧巧畫雙眉傍人筆力強傳寫外如何見得伊

賓主

曹山本寂禪師僧問五位對賓師云汝今問那箇位云某甲從偏位中來請師正位中接師云不接云爲甚麼不接

師云恐落偏位中去師復問僧祇如不接是對賓是不對賓云早是對賓了也師云如是如是

丹霞淳頌云月中玉兔夜懷胎日裏金烏朝抱卵黑漆

崑崙踏雪行轉身打破瑠璃碗

瑞巖彦禪師一生常坐自嘆云主人公役自應諾乃云

惺惺著他時莫受人瞞後有僧到玄沙沙問近離甚麼云瑞巖沙云有何言句示人僧舉前語沙云一等是弄精魂也甚奇恠後云何不月在被中云已遷化也沙云而今還喚得應麼僧無對

○文章皆禪師僧自夜半正明天曉不露符星不露意更師云滿船空載月西去宿處死丹霞淳頌云星在水月在天燈打月不見天明似鏡照鏡者私他不認依依接成偏正

卓云却去却來時如何師云風吹柳絮毛毬毬

雪竇顯云蒼大蒼天 雲峯悅云鬼窟裏作活計却問
傍僧云你還識瑞巖老漢麼僧無對師云蒼大蒼天
保寧勇代云和尚因其對面不聞

佛國白頌云一生長喚主人公不受人瞞迥不同今日
惺惺何處去蒲山松栢起悲風 祖印明云響鑾新月
聚三星誰信心王本自寧可笑瑞巖方丈老夜深呼喚
強惺惺 鼓山珪云一主人公死一主人公活拈解弄
精魂附頭皆透脫 白楊順云自呼自應已惺惺不受
欺瞞理不輕池內白蓮香未已簷前山色四時青
長慶稜禪師僧問有問有答賓主歷然不問不答時如何
師云相逢盡道休官去林下何曾見一人
智門祚頌云人人盡道我心休問著何曾有地頭口說

心違瞞自己業河迅速住漂流

家風

大隋真禪師僧問如何是和尚家風師云亦土盡數箕云
未審此理如何師云數箕有唇米跳不出

南堂靜頌云赤土盡數箕團圓無縫罅佛眼覷不見海
神不知價數土揚塵無處尋山高海闊白雲深 應庵
華云數箕有唇米跳不出天下衲僧赤髣髴更須撥轉
上頭關十方世界黑似漆

韶山普禪師僧問如何是和尚家風師云絕頂無根草無
風葉自搖

丹霞淳頌云妙峯孤頂偏肥膩天產靈苗不觸地翠葉
無風常自搖清香那逐春光媚

育王山通禪師僧問如何是和尚家風師云渾身不直五
文錢云太貧寒生師云古代如此云如何施設師云隨家
豐儉

卅霞海頌云祖代家風沒一文清貧中是更清貧著衣
喫飯隨豐儉物物頭頭用最親

雲門偃禪師僧問如何是和尚家風師云門外讀書人報
來

徑山杲云讀書人已在這裏且作麼生與伊相見乃額
視左右云不是冤家不聚頭

智門祚頌云叢林在處有家風且與雲門事不同門外
若有讀書者任是顏回亦不通 佛慧泉云讀書人到
切須看無絃難遇知音者端的家風說與君沒階趨進

翼如也

同安丕偈師僧問如何是和尚家風師云金雞抱子歸霄
漢玉兔懷胎入紫微云忽遇客來將何祇待師云金果早
朝猿摘去玉花晚後鳳嚙來

圓悟勤云峭措不妨峭措風流且是風流偏正五位君
臣言中不妨諦當雖然如是曹洞門下光則絕後臨濟
宗風豈容回互若有入問將山如何是和尚家風對他
道開口見膽忽遇客來如何祇待跳底金剛圈吞底栗
棘蓬微庵勸云廣福即不然有問如何是和尚家風
只向道翠竹叢邊歌飲乃碧巖深處吐煙蘿忽遇客來
將何祇待沒底藍兒盛白月無心罌子貯清風 徑山
杲云同安家風不妨恠徑山家風又且不然或有問

如何是和尚家風即向他道齋時鉢和羅飯禪道是
非都不知忽遇客來將何祇待蒸餅飢飢
卅霞淳頌云日午煙凝山突吼夜央天淡月嬋娟混然
寂照寒宵永明暗開融未兆前
石門蘊禪師僧問如何是和尚家風師云物外獨騎千里
象萬年松下擊金鐘
卅霞淳頌云夜明簾外月朦朧騎象翻身擊寶鐘洪韻
上騰三界外聾夫何事睡猶濃
大陽玄禪師僧問如何是和尚家風師云滿瓶傾不出大
地沒飢人
卅霞淳頌云荆山美玉何須辨赤水玄珠不用拈罔象
無心黃帝重卞和亦智楚王嫌

禪林類聚卷第八

經教

看經

講經

論義

祖偈

經教

論義

卅霞淳頌云諸聖弟子於畢鉢嚴中結集法藏阿難既陞座
形儀與佛無殊大衆遂生三疑一疑阿難成佛二疑佛再
現身三疑他力佛化阿難唱云如是我聞衆疑皆息
五祖演云當時若有箇漢出衆云大衆依而行之各自
散去免見滿藏琅函攪人腸肚然雖如是猶未勤絕在
何也阿難道如是我聞白雲也道如是我聞若道當時
是重舌輕舌今若道即全是重舌今輕舌要會麼優曇花不
開跡絕無香氣

經首題及字

地藏珠僧問以字不成八字不是未審是甚麼字琛云
看取下註脚披雲寂因僧問寂以頌答云以字不成
八不是森羅萬象此中明直饒巧說千般妙不是誦歌
不是經

大宋四教張目

羅漢南頌云以字不成八字非滿琅函載絕毫釐者經
到此狼開眼玉軸分明附畔題雲居祐云我佛金言
義海深開遮唯要悟其心首標妙在當頭割密使泥牛
曉夜吟地藏恩云拈起題摸不若却看下頭註脚了
知字義炳然大藏清通廣略徑山杲云以字不成八
字非際迦羅眼不能窺一毛頭上重拈出忿怒那吒失
却威覺範洪云以字不成八字不是法身睡著無遮

閉袖僧對面不知名百萬人前呼不起

楞嚴經云佛告阿難云吾不見時何不見吾不見之趣若
見不見自然非彼不見之相若不見吾不見之地自然非
物云何非汝

莊子句下全字

一變其下

雪竇顯頌云全象全牛意不殊從來作者共名振如今
要見瞿曇老利剎塵塵在半途佛心才云雲收空闊
天如水月載姮娥四海流慚愧牛郎癡愛叟一心猶在
鵲橋頭佛鑑勸云說離百非存執則言無一法尚筌
鼻毗耶默默曾絨口摩竭寥寥鎮掩扉白雲端云堂
前露柱久懷胎長下孩兒頗俊哉未解語言先作賦一
操直取狀元來湛堂準云老胡徹底老婆心為何難
隨意轉深韓幹馬嘶芳草渡戴嵩牛卧綠楊陰

楞嚴經佛謂阿難曰若能轉物即同如來

白樂端頌云若能轉物即如來春暖山花處處開自有

一雙窮拙手不曾容易舞三臺真如詰云若能轉物

即如來處處門開見善財花柳巷中呈舞戲九衢承醉

卧樓臺佛心才云毛吞巨海芥納須彌乾坤大地直

下同歸一氣不言含有象萬靈何處謝無私經山水

云若能轉物即同如來吐哉瞿曇許譚癡獸

楞嚴經佛謂阿難云見見之時見非是見見猶離見見不

能及鼓山珪頌云拄杖頭邊無孔竅大千沙界猶嫌少毗婆

尸佛早留心直至而今不得妙海印信云見不及處

江山滿目不觀纖毫花紅柳綠白雲出沒本無心江海

滔滔豈盈縮徑山杲云春至自開花秋來還落葉黃

面老瞿曇休搖二寸舌

楞伽經云五法三自性二種無我○二種自性真性化性亦本體假性

鼓山珪頌云破鉢豈復作針事焦種不應上藥芽如彼

虛空槃太子毛輪垂髮鬘開花徑山杲云陝府鐵牛

白額嘉州大象耳聾兩箇病痛一般咄哉漆桶不快

楞嚴經七趣徵心○七趣徵心東林顏頌云七趣徵心欲便成推窮尋逐案分明都緣

家賊難防備撥亂乾坤見太平

楞嚴經八還辨見○八還辨見東林顏頌云明暗色空不可還不可還者絕躋攀夾截

虛空成畔岸一重水隔一重山

五等之義
心下所法
不想心行
心外法也

楞嚴經雷樓那問佛清淨本然云何忽生山河大地
琅琊覺云山僧即不然清淨本然云何忽生山河大地
薦福信云先行不到末後太過 五祖演云金屑雖貴
落眼成翳 佛眼遠云既生山河大地如何得復清淨
本然既復清淨本然云何却見山河大地大眾如何即
是良久云水自竹邊流去冷風從花裏過來香好大奇
歸堂

白雲端頌云混混玲瓏無背面拈起有時成兩片且從
依舊却相當咒被傍人來覷見 佛鑑懃云因風吹火
徒爲歟借手行拳未足多清淨本然隨口道忽生大地
與山河 大洪遂云當明不_明體全彰進步則然要論
量妍醜只因逢古鏡回頭滿面負慚惶 天童覺云

看_有不_有翻手覆手琅琊山裏人不落瞿曇後 東林顏
云清淨本然徧法界山河大地即皆現性覺必明認影
明眼耳便隨聲色轉

圓覺經佛謂清淨慧菩薩以居一切時不起妄念於諸妄
心亦不息滅住妄想境不加了知於無了知不辨真實
黃龍心頌云黃花漠漠翠竹珊珊嶺南地暖寒比地寒
遊人去後無消息留得溪山到耆耆 鼓山珪云與手
攀南斗翻身倚北辰出頭天外有誰是我般人 天童
覺云巍巍堂堂磊磊落落鬧處刺頭穩處下腳脚下綿
斷我自由鼻端泥盡君休斷莫動著千年故紙中合藥
徑山杲云荷葉團團似鏡菱角尖尖似錐風吹柳絮
絮毛毳走雨打梨花蛺蝶飛 正堂辯云張果老踏破

葫蘆呂洞賓失却寶劍兩箇撒手相逢囊篋更無一線
何僊姑鐵笛橫吹解道長江淨如練

維摩經云其施汝者不名福田供養汝者墮三惡道

以涼岳云還見維摩心肝五臟磨移花兼蝶至買石得
雲鏡

保寧勇頌云無邊無際休斟酌潮去潮來本自平清濁
淺深并苦淡一般滋味迥分明 徑山杲云獨坐許誰

知青山對落暉花須連夜發不待曉風吹 鼓山珪云
入林不動草入水不動波鑊湯無冷熱合眼跳黃河

維摩經云不斷煩惱而得涅槃

白雲端頌云朝生暮死千萬徧一日幾回相見面展轉
開旗放出來一指動時客戲見

維摩經云觀身實相觀佛亦然

或庵體頌云眼空四海恣縱橫鼻孔遶天信脚行拏得
電光爲火把却來日午打三更

法華經云大通智勝佛十劫坐道場佛法不現前不得成
佛道

白雲端云直饒得現前也未得成佛道何謂如此欲得
不招無間業且謗如來正法輪 應庵華云衲僧門下
却較些子且和泥合水一句作麼生道一朝搥在手看
取令行時

保寧勇頌云三際斷時凡聖盡十身圓趣剎處周無私
應物隨高下未滿僧祇大劫修 鼓山珪云種穀不生
豆苗蒸砂豈能成飯大通智勝如來一箇擔板底漢

經山果云：宴坐道場經十劫，一一從頭俱漏泄。世間多
少守株人，掉棒擬打天邊月。

金剛經云：一切賢聖皆以無為法而有差別。

應庵華云：應庵也。著一隻眼東弗于逮西瞿耶尼南瞻
部洲北鬱單越到處去來不如在此。

保寧勇頌云：仁者見之謂之仁，智者見之謂之智。寒時
向火，熱時涼，健即經行，困打睡，困打睡，仰面看天開口
取氣。覺海元云：一金成萬器，皆由匠者智。何必毗耶
城人人說不二。

金剛經云：若為人輕賤，是人先世罪業應墮惡道。以今世
人輕賤，故先世罪業即為消滅。

雲居膺云：動即應隨，惡道靜即為人輕賤。崇壽稠云：

心外有法，應隨惡道。守住自己，為人輕賤。

雪竇顯頌云：明珠在掌，有功者賞。胡漢不來全，無伎倆

伎倆既無，波旬失途。瞿曇瞿曇識我也，無復云勘破了

也。白雲端云：水不洗水，誰不知。旋嵐常靜，太驢馳十

年曆日，如能算免，被巡官掌上推。無事居士云：四序

炎涼去，復還。聖凡片在，剎那間。前人罪業今人賤，倒却

前人罪業山。天童覺云：綴綴功過膠膠，因果鏡外狂

奔演若多，杖頭擊著破甕。隨甕破來，扣賀却道：從前

孤負我。

金剛經云：收衣鉢，洗足已，敷座而坐。

水庵一頌云：食訖跏趺坐，石牀斗間。剎氣燭天光，幾多

業識茫茫者。衲被蒙頭在醉鄉。

星彩電光

金剛經云於是中無實無虛

佛慧泉頌云菩提無實亦無虛幾箇男兒是丈夫卅元

不歸金鸞驚碧潭空浸玉蟾蜍

金剛經云過去心不可得現在心不可得未來心不可得

或庵體頌云三清道士無僊骨八教闍黎毀梵書黑漆

崑崙舞華鼓大親無著暗嗟吁

文殊所說般若經云清淨行者不入涅槃破戒比丘不入

地獄

祖印明頌云卷就家欄水牯牛自歸自去有來由而今

穩卧深窠裏秦不管兮漢不收保寧男云平生跡逸

無拘檢酒肆茶坊信意遊漢地不收秦不管又騎驢子

過揚州徑山杲云壁上安燈籠堂前置酒臺悶來打

三盞何處得愁來

鼓山珪云鵲白鳥本玄松直棘自

曲清淨比丘僧却須入地獄

華嚴經云我今普見一切衆生具有如來智慧德相但以

妄想執著而不證得

天童覺頌云天蓋地載成圓成塊周法界而無邊拈隣

虛而無內及盡玄微誰分向背佛相來償口業債問取

南泉主老師人人只喫一莖菜

栢巖禪師僧問如何是教師云具集収不盡

卅霞淳頌云四十九年成露布五千餘軸盡言詮妙明

一句威音外折角泥牛雪裏眠

洛浦安禪師僧問如何是一大藏教収不得者師云雨滋

三箇秀片玉本來輝

投子青頌云。鉢巖花曉帶春風。時結巖峯層須知。
玉像鉢中塔別有。輝天照地燈。

同安丕禪師僧問。依經解義。三世佛。究離經一字。即同魔。
說。此理如何。師云。孤峯迥秀。不掛煙蘿。片月橫空。自異。

丹霞淳頌云。雲自高飛。水自流。落天空闊。漾孤舟。夜深
不向蘆灣宿。迥出中間與兩頭。

首山念禪師僧問。一切諸佛皆從此經出。如何。是此經。師
云。低聲低聲云。如何。受持師云。不污染。

投子青頌云。水出崑崙山。起雲釣人源。父昧來。因只句。
洪浪巖巖闊。不肯拋絲絛。斧聲。

洞山聊禪師云。一大藏教。是箇之字。

白雲端頌云。點畫分明。無道理。老胡幾度提不起。不。
分付。王將軍。無限風流歸手裡。

洞山詮禪師僧問。經云。清淨行者。不入涅槃。破戒比丘。不
入。地獄時。如何。師云。度盡無遺影。還他戒涅槃。

丹霞淳頌云。相好巍巍大丈夫。一生無智恰如愚。從來
佛祖猶難望。望地獄天堂豈可拘。

法眼益禪師僧問。承教有言。從無住本立一切法。如何。是
無住本。師云。形與未。梵名起未名。

天童覺頌云。沒蹤跡。斷消息。白雲無根。清風何色。散乾
盞而非心。持坤與而有力。洞千古之淵源。造萬像之妙
則剎塵道會也。颺颺普賢樓閣門開也。頭頭彌勒。

看經山。以爲不。

藥山儼禪師有經次僧問和尚尋常不許人看經爲甚麼却自看師云我只圖遮眼云某中學和尚得不師云汝若看牛皮也須穿

長慶云眼有何過玄覺云且道長慶會藥山意不會

藥山意

汾陽昭頌云徹底更何疑。穿者稀叮嚀猶付囑。句是玄機。保寧勇云遮眼誰同。藥嶠看牛皮穿透。骨毛寒五湖四海知多少。字密行疎總一般。枯木成云門前雖有千山月。室內都無一點塵。貝葉若圓遮得眼。須知淨地亦迷人。臨濟玄禪師同王常侍入僧堂王問這一堂僧還看經也無師云不看經云還習禪也無師云不習禪云經又不看

禪又不習究竟作甚麼師云總教成俳作祖去王云金屑雖貴落眼成翳又作麼生師云我將謂你是箇俗漢

投子別云官人何得貴耳賤目。歸清代云且來拋擲

引玉。鴻山詰云王常侍可謂儒門君子禪門良匠若

非知鑑分明爭得是非顛脫。白雲端云木末臨濟端

的具一隻眼若是圓通即不然金屑雖貴落眼成翳又

作麼生我將謂你是箇俗漢大衆試斷看。應庵華云

風行草偃葉落知秋臨濟雖本分鉗鎚常侍乃頂門具

眼祇如今日判府入山與老僧相見雖無僧堂可至亦

無佛法商量我這便是出他一頭地。且道以何爲驗

以此爲驗

徑山杲頌云世出世間希有事願發須憑過量人只將

補袈調羹手撥轉如來正法輪

古靈贊禪師歸受業本師問汝學何業師云一如未去時
後因本師看經次有蠅子撞牕師云此界如許廣大須要
頭鑽故紙作甚麼本師異而問之師云某甲今有頌云空
門不肯出投牕也大奇百年鑽故紙何日出頭時

白雲端頌云爲愛尋光紙上鑽不能透處幾多難驀然
撞著來時路始覺從前被眼瞞

睦州蹤禪師僧問一氣還轉得一大藏教也無師云有甚
餌雞餽子快下將來

鼓山珪頌云睦州只愛雞頭利這僧不見鑿頭方直饒
轉得百千藏這般供養也尋常徑山杲云一氣轉一
大藏教頗漸偏圓搭與實無邊妙義炳然彰元來一字

也不識

雲居膺禪師問僧念甚麼經云維摩經師云我不問維摩
經念底是甚麼僧於此有省

佛慧泉頌云不問維摩念甚麼新羅鷄子穿雲過杖頭
擊著沒威靈惆悵高山破竈墮無爲子云念底却是
維摩經一回舉著一回精鷄鷄故鄉歸不得大都言語
太分明天章善云問經不問念維摩念底分明見也
麼欲入塵沙法門海一言演出不須多道場如云順
風將欲到揚州風轉舵頭水逆流把拖全憑三老力瞥
然到岸不須憂南堂靜云須彌山高不見巔大海水
深不見底斂土揚塵無處尋回頭撞著自家底

講經

南泉願禪師問座主講得甚麼經云彌勒下生經師云彌勒甚麼時下生云現在天宮未來師云天上無彌勒地下無彌勒

洞山舉問雲岩臂膺云天上無彌勒地下無彌勒未審誰與安名洞山被問直得禪牀振動乃云吾在雲巖曾問老人直得火爐振動今日被子問直得通身汗流大陽延云如今老僧舉起也有解問者致將一問來乃云地動也徑山杲云禪牀振動火爐地動即不無三大老要見南泉直待彌勒下生始得忽有箇衲僧出來道天上無彌勒地下無彌勒却教作麼生祇對他但向他道老僧罪過佛眼遠頌云禪床驚震被茶糊惹得兒孫不丈夫拄杖

劈頭連打也教知道赤鬚胡

西山亮座主謂馬祖祖問講甚麼經師云心經祖云將甚麼講師云將心講云心如工伎兒意如和伎者六識爲伴侶爭解講得經師云心既講不得莫是虛空講得麼云却是虛空講得師拂袖而去祖召云座主師回首祖云是甚麼師豁然大悟乃禮拜祖云這鈍根阿師你禮拜作甚麼師直得通身汗流遂謂衆云我一生所講經將謂無人及得今日被馬師一問平生工夫水釋而已遂罷講直入西山杳無消息

開先瑛云教中道父母所生眼悉見三千界只如亮座主只今在甚麼處爲復發服百草慧在神山爲復定力自持深居巖谷爲復神通變化俗眼難窺爲復脫離色

紐結

佛道四行

道

身證涅槃樂如今有人見得麼若也見得不妨一貧明

眼衲僧倘或未然且莫撞著露柱

正堂辯頌云弓弦雖結鷲鷲細御道那武柴棘蓬堪笑

香嚴饒舌老今年猶勝去年窮東山空云馬師瞎却

亮師眼一入西山更不返我有三十二藤條寄與山中

這檐板

太原孚上座初爲座上在揚州光孝講涅槃經有一禪者
阻雪在寺因往隨喜講至三因佛性三德法身廣談法身
妙理禪者失笑師講罷請禪者喫茶問云某甲素志狹劣
依文解義適蒙見笑有不到處伏望見教禪者云實笑座
主不識法身師云如此解說何處不是云請座主更說一
篇師云法身之理猶若太虛豎窮三際橫亘十方彌綸八

楞嚴頌

憶昔當年未

悟時

一盡盡用一

悲

而今空手

夢

大小梅花一

紅吹

極包括二儀隨緣赴感靡不周徧禪者云不道座主說得
不是只是說得法身量邊事實未識法身在師云既然如
是禪者當爲我說云座主還信不師云焉敢不信云若如
是座主暫輟講旬日於室內端坐靜慮收心攝念善惡諸
緣一時放却師一依所教從初夜至五更聞鼓角聲豁然
契悟走扣禪者門禪者問云誰師云某甲禪者咄云教你
傳持大教代佛宣揚夜來爲甚麼醉酒卧街師云禪德自
來講經將生身父母鼻孔扭捏從今向去更不敢如是禪
者云且去明日來相見師即罷講徧謁諸方

古德頌云一曲單于胤引長孚公聞趣出宮商至今夜
裏維揚客空聽梅花聲斷腸

論義

世尊因長爪梵志索論義預約云我義若隨我自斬首世尊云汝義以何爲宗志云我以一切不受爲宗世尊云是果受不志拂袖而去行至中路乃省謂弟子云我當回去斬首謝佛弟子云人天衆前幸當得勝何以斬首志云我寧於有志人前斬首不於無志人前得勝乃嘆云我義兩處負隨是見若受負門處處是見不受負門處細一切人天二衆皆不知我義隨處唯有世尊諸大菩薩知我義隨面至世尊前云我義隨處負隨故當斬首謝世尊佛云我佛法中無如是事汝當回心向道出家於是五百徒衆一時投佛出家證阿羅漢心是

七祖婆須密尊者因佛隱難提索以論義祖云仁者論即不義義即不論若擬論義終非義論佛隱難提知師義勝心即欽伏

十一祖那夜奢尊者因馬鳴問我欲識佛何者即是祖云汝欲識佛不識者是云佛既不識焉知是乎祖云既不識佛焉知不是云此是鋸義祖云彼是不義後問鋸義者何鳴云與師平出鳴問不義者何祖云汝被我解馬鳴於是信伏

十二祖馬鳴太士昔嘗事外道每持一了槍上懸一劍巡五大竺國索人論義自云我義若隨當斬首爲謝聞脇尊者有大聲譽特請論義脇云爾義以何爲宗祖云但有言說我悉能破脇於是默然而坐祖念色而去詬罵云我聞爾具大智慧及與論義一詞不措行至中路乃謂弟子云我義已隨我言但有言說皆悉能破彼既無言我當自破

將回斬首而謝爾時脇尊者化令回心并諸徒眾乃一時出家

祖偈

六祖大師家貧賣薪養母因往五祖求法祖問汝自何來師云嶺南來祖云欲須何事師云唯求作佛祖云嶺南人無佛性若爲得佛師云人有南北佛性豈然祖知異器乃訶云若槽廠去師遂入碓坊腰石舂米因五祖示衆索偈欲付衣法堂中上座神秀大師呈偈云身是菩提樹心如明鏡臺時時勤拂拭莫遣惹塵埃師聞乃和之云菩提本無樹明鏡亦非臺本來無一物何處惹塵埃祖默而識之夜呼師入室密示心宗法眼傳付衣鉢令渡江過大庾嶺南歸曹溪開東山法門

馬屋寺
馬屋寺
馬屋寺
馬屋寺

黃龍新頌云六祖當年不丈夫倩人書壁自塗糊明明有偈言無物却受他家一鉢盂佛惠泉云今古曹溪一派寒師來因爲起波瀾攜囊度嶺人空逐負石黃梅衆識難佛國白人七百曲僧夢裏將三更月下獨南歸賣柴舂米偈家事底事親傳六代不祖印明云一偈投機一衆降嚙花百鳥去雙雙家山記得來時路半夜傳衣過九江草堂清云七百僧中選一人本來無物便州親夜傳衣鉢曹溪去鐵樹花開二月春雙林傳太士偈云夜夜抱佛眼朝朝還共起起坐鎮相隨語默同居止纖毫不相離如身影相似欲識佛去處云云生切紙這語聲是玄沙云大小傳大士我認得箇昭昭靈靈玄覺徵云

且道他認不認。若認他，又是補處彌勒，不可認也。若不認，玄沙又與麼道，不可徒然。雪竇顯云：「天下衲僧，跳不出直隄口，挂壁上漢，別有一竅勘過了。」打。又云：「玄沙也是打草蛇驚。」翠巖芝云：「認與不認，來年更有新條在。」挑亂春風，卒未休。天衣懷云：「誰有單于調換取假銀瓶？」良久云：「曾教霜雪苦楊花，落也驚。」保寧勇頌云：「要眠時即眠，要起時即起。水洗面皮，光燿茶濕却。」蒲大迦紅塵生平地，波濤起呵呵。阿呵呵囉哩哩囉哩。私云：囉哩囉哩，至矣至矣。

傳大士偈云：「有物先天地，無形本寂寥。能爲萬象主，不逐四時凋。」或作發，法師云。

雲峯悟云：「且道是甚麼物？」又云：「水長船高。」道吾真云：

「且道是甚麼物，還識得麼？」若識得，乾坤大地森羅洞明，若也不識，被物撈著，轉身不得。琅琊覺云：「好箇頌，却成兩橛。」若人點檢得出，許你具一隻眼。保寧勇拈拄杖云：「且莫喚這箇作拄杖子好。」五祖演云：「古人恁麼道，可謂錦上鋪花，不妨奇特。」諸人且作麼生會？白蓮今日曲順後機，不惜眉毛，亦爲頌出。有中有無中，無細中細，龜中鹿。

龐居士偈云：「十方同聚會，箇箇學無爲。此是選佛場，心空及第歸。」又云：「食肉懷嫌，飲酒懷惡。」白雲端云：「每日動用施爲，說黃道白。若喚作心，即無及第之時；若不喚作心，亦無及第之時。且道作麼生得？心空及第，去良久云：「向道是龍剛，不信果然奪得錦標歸。」

得空銷力焉。知松柏操南堂靜頌云。聲不是聲。方見道。色非色。處即直空。精金百煉。方成器。利劍重磨。始見功。枯木元云。無地無維。不是貧。知無尚有。守無身。儂家近日貧來。甚不見當初貧底人。

禪林類聚卷第九

姓名

頭首

知事

侍者

法屬

尼女

行童

姓名

柏巖菴禪師因洞山與密師伯到師問二上座甚麼處來

洞云。湖南師云。觀察使姓甚麼。云。不得名。師云。還理事也。無云。自有廊幕。在師云。還出入不。云。不出入。師云。豈不出入。洞拂袖出去。師明日侵晨入堂召二上座。近前。師云。昨日問上座話。不補。老僧意。一夜不。安。今請上座別一轉語。若慙。老僧意。便開粥。相伴過夏。洞云。却請和尚問。師云。豈不出入。洞云。太尊貴。生師乃開粥。同過夏。或身山下。即。或。石。頭。下。收。

大童覺云。主張門戶。自有傍來。拱默威嚴。誰敢正視。借功施設。轉。宿提持。今成左右。分權。不犯尊貴。一路還知尊貴處。麼。寶殿無入不侍。立不補。梧桐。魚。鳳來。丹霞淳頌云。燭香人靜。杏無聲。苔滿丹墀。皓月明。入戶當堂。懣止坐。出門猶懶下階行。

面長宗智
ト由スル目
ト一

封
方香
ト由スル目

特
ト由スル目

追吾智禪師與雲巖到南泉處泉問閣梨名甚麼師云宗
智泉八看不到趣作麼生宗師云切忌道著泉云不然道
著則頭角生是日師與雲巖在後架把針南泉過見問
智頭陀前日道智不到趣切忌道著道者則頭角生合作
麼生行後師乃抽身入僧堂

投子青頌云金剛際下古驪體幾破人踏血濺公明月
任從君自摘寒松那葉白雲封

仰山寂禪師問三聖汝名甚麼入慧寂師云慧寂是我云
我名惠然師乃呵呵大笑

雪竇顯頌云雙杖雙放若為宗騎虎由來要絕功笑能
不知何處去只應千古動悲風上方益云張弓架箭
可無機特向函關展信旗胡馬若非知步驟頭門爭免

一金鎚 佛心才云是汝非渠能縱奪龍盤虎踞有來
由因思海月清風夜直釣和竿懶更收

玄沙備禪師因僧問如何是和尚親切底事師云我是謝
三郎

雪竇顯云本是釣漁船上客偶除鬚髮著袈裟祖佛位
中留不住夜來依舊宿蘆花 投子青云親伸端的向
君言莫比流沙少室傳昨夜鴈回雙嶺後謝家人立月
明前 祖印明云杪秋時節水雲鄉千頃蘆花未著霜
江景不將零碎賣一時分付謝三郎 草堂清云閩山
滄海浪悠悠父子生涯一釣舟忽爾踏翻深猛省大家
收拾去來休

頭首

禪林二

五十二

捧
三多
西多
抄

坐

南泉願禪師因黃檗在師會中爲首座一日捧鉢向師位
中坐師入堂見乃問長老甚麼年中行道檗云威音王已
前師云猶是王老師兒孫下去檗過第二位坐師休去
馮山云欺敵者亡仰山云不然須知黃檗有陷虎之機
馮山云子見處得與麼長 雪竇顯云可惜王老師只
見錐頭利我當若作南泉待伊道威音王已前即便
於第二位中坐令黃檗一生起不得雖然如此也須救
取南泉 雲峯悅云後來叢林中多有商量或道黃檗
有陷虎之機南泉有殺虎之威若作與麼說話誠實苦
哉殊不知這老賊有年無德喫飯生處也不依本分若
雲峯門下說甚威音王已前王老師更大直須喫棒趁
出

四
利
四
利
四
利

疎山如頌云威音王佛是兒孫王老當開太言黃檗
見機分主伴典刑千古定宗門 佛眼遠云彼此老來
誰記得人前各自強惺惺一坑未免俱埋却幾箇如今
眼子青

紫山儼禪師因遵布衲作殿主浴佛次師乃問汝祇浴得
這箇還浴得那箇儼通云把將那箇來師休去

長慶稜云邪法難扶 玄覺云且道長慶恁麼道在須
在 圭叟中喚作浴佛語亦云衆帶語且道盡善不盡善
黃龍南云此二尊宿一出入未見輸贏三十年後不
得錯舉 佛性忞云好箇浴佛一俱不了古德若作遊
布衲待藥山休去便將杓子自湯碓面澆教伊皮膚脫
落盡唯有 一真實 應庵華云遵布衲當時若是箇漢

待他道浴那箇不得拈杓子劈面擲雖然也不得屈藥
山何故不入虎元爭得虎子
塗毒策頌云愛將香水蒸頭澆引得清風慰寂寥無限
遠山描不得喬松脩竹冷蕭蕭
臨濟玄禪師會下兩堂首座一日舉頭相顧各下一喝僧
眾問師未審具賓主眼不師云雖然如此賓主歷然
承天宗云臨濟此語走殺天下衲僧我即不然當時見
僧舉但云一對無孔鐵鎚天童覺云殺人刀活人劍
在臨濟手裏雖然如是當時便與一喝直饒他大逞神
通也只得同聲相應大溈智云作麼生是賓主歷然
底道理若會得一雙孤鴈博地高飛兩箇鴛鴦池邊
立

記夢

夢

慈明圓頌云啐啄之機箭在鋒發然賓主當持分宗師
圓物垂緇素北地黃河徹底渾浮山遠云兩堂上座
齊下喝眼裏瞳人帶金屑鎚刀同用不能分黑漆昆
迷夜月佛印元云箭鋒相拄自請訛李廣雙鴈射得
多堪笑人來望天際歷然飛鷁過新羅雲溪恭云賓
主歷然句下分三玄從此抵乾坤如今多少途中客盡
日區區獨自分黃龍震云離朱明不到師曠聽亦訛
箇中識賓主日午下星河
南泉願禪師一日因齋次乃目將生盤去首座前云出生
咏時叔山堅和尚爲首座乃云無生師云無生猶是末師
纔行數步首座乃召云長老長老老師回顧云作麼首座云
莫道是水

智門祚頌云古老巡堂親掠生渡水行舟不易耕莫道無生猶是未纖毫不了亂縱橫

雪竇在南嶽福嚴爲藏主李殿院同雅長老入藏院師出接李云藏主那師云不敢李云藏中說著下官麼師云目前可驗李云驗底事作麼生師云不消一剎李無語師云且請殿院歸寮喫茶坐次山嵐忽起雅云殿院遊山恰值煙霧李云竇峯聖迹爲甚麼却有這箇師云下方無李擬道雅云藏主壯觀福嚴師云和尚且莫開眼李云作家作家師云殿院尊卑時有道士秀才到李又問三教中那教最尊師乃起側身而立李云有口何不道師云對夫子難言李云休休便起師云道來造次三教榜教法至涅槃南堂靜頌云五老峯前古觀基老君元是一牟尼時難

只得同香火莫聽他人說是非

知事

莊務

南泉願禪師一日不赴堂侍者請赴堂師云我今日在莊上喫油糍飽者云和尚不曾出入師云汝去問莊主者方出門忽見莊主歸謝和尚到莊喫油糍

鼓山桂頌云近在口皮邊遠過何沙國世間多少人不得油糍喫徑山杲云和尚不赴堂莊主謝臨屈一字入公門九牛車不出應庵華云背裏喫油糍對人誇好手潦倒不識羞抵死揚家醜凝禪妙云古德肚裏飽的的莊主雖飢解點頭侍者只聞歌樂響不知洪飲在高樓東林顏云騎虎穿市過把火去偷猪主人開眼瞋並舍叫失驢

鴻山祐禪師在百丈爲典座時百丈因司馬頭陀尋得大
鴻山地選人主之丈云老僧住得不隘云彼是肉山和尚
是骨人若若之只安五百衆彼可安千衆丈云吾衆中莫
有人住得不隘云觀典座可住得丈乃呼師來說與時首
座聞得云合當某中去彼何人也丈乃集衆云下語出格
者得遂拈淨餅置地設問云不得喚作淨餅喚作甚麼首
座云不可喚作木楔也丈復問典座師乃踢倒淨餅而去
丈笑云首座輸却山子也因金師往住山後果安千衆
上方益頌云不顧山前有信旗單刀一直入籌帷處戈
短戟都無用奪得將軍金印歸照覺總云定奪英雄
是淨餅毫釐分處更無情太平本是將軍致不許將軍
見太平佛迹呈云正令全提作者知淨餅拈起定孤

疑須知大智無私鑑解道鴻山却歸伊堪率悅云淨
餅踢處有來由自是行人不到頭須信春風生太野不
風流處也風流智海清云百丈堂前定大鴻金毛獅
子振全威淨餅踢倒還兀化千里浮風動地歸通照
逢云太用還應作者知當場一踢絕狐疑堪嗟不紹家
園者只向餅邊定是非

興化契禪師一日謂克賓維那云汝不久爲唱導之師賓
云我不入這保社師云你會了不入不會了不入云總不
與麼師便打云克賓維那法戰不勝罰錢設齋飯次日興
化入堂白拖云克賓維那法戰不勝罰錢五貫設齋飯一
堂仍須出院賓後出住太行山嗣興化
雪竇顯云克賓要承嗣興化罰錢出院且致却須索取

這一頓棒始得且問諸人林既喫了作麼生索得雪
要斷不平之事今夜與克賓維那雪屈以拄杖一時打
散黃龍南云克賓失錢遭罪有理難伸與化以剛決
柔未足光也雲峯悅云路遙知馬力歲久見人心
大瀉詰云與化令雖行六似以勢欺人克賓一朝輸機
爭奈千古聲光不墜且道利害在甚處若不沙場經又
戰揭天撥鼓喪紅塵雲居舜丈大冶精金應無縫色
其柰與化令行太嚴不是克賓維那也大難承當總是
而今泛泛之徒翻轉面皮多少時也
照覺總領云克賓法戰挫英雄與化嚴行振祖風棒下
直明無生忍莫教知解入塵籠直淨文云丈夫當斷
不解斷與化爲入徹底漢已後從教眼目開棒了罰錢

趣出院佛國白云主中主問賓中賓賓主分明到底
親有理罰錢無說處太行山下淚沾巾佛心才云克
賓與化令雙行白髮通心透頂生穿過衲僧青白眼儘
教天下競頭爭

玄則監院在法眼會下並不入室忽一日眼問汝在此初
不見來問話曾參甚人有何見處師云某甲曾參見青峯
和尚來眼云有甚言句師云某甲問如何是學人自己峯
云丙丁童子來求火眼云好語汝作麼生會師云丙丁屬
火將火求火如將自己求自己眼云與麼會又爭得師當
時不肯遂起發去眼問侍者則監院在甚處者云已起去
也眼云此僧若過江去救伊不得也師至中途再返求懺
悔問云玄則只與麼和尚尊意如何眼云汝但問師便問

如何是學人自己眼云丙丁童子來求火師大悟於言下
後出世金陵報恩為法眼之嗣

此乃師極極極極極

白雲端頌云末上一回秤八兩又秤恰重半斤來定盤
星在誰人手爭著絲毫可恠哉 照覺總云丙丁求火
已躬明法眼青峯古路行行到水窮知盡處坐看雲起
見平生 佛燈珣云問處分明答處親青峯八字打開
門頭頭盡是吾家物何必臨岐更問津 大洪遂云丙
丁求火問青峰巨耐韓獪逐塊蹤賴得清涼重點破一
聲雷震化為龍

侍者

南陽忠國師一日三喚侍者侍者三應諾師云將謂吾辜
負汝却是汝辜負吾

雪竇云此語
多與侍者
作麼生會

雪竇顯云國師二喚侍者點即不到侍者三應到即不
點將謂吾辜負汝誰知汝辜負吾 瞞雪竇不得雲門道
作麼生是國師辜負侍者處會得也是無端師云元來
不會又云作麼生是侍者辜負國師粉骨碎身未報得
師云無端無端復舉僧問投子國師三喚侍者意旨如
何投子云抑逼人作麼師云墮根漢僧問興化化云一
盲引衆盲師云端端的體僧問玄沙沙云侍者却會師云
停囚長智僧問趙州州云如人暗中書字字雖不成文
彩已彰師便喝僧問雪竇雪竇便打也要諸方檢點
玄覺微云甚處是侍者會處僧云若不會爭解與麼應
師云汝少會在又云若於此見得去便識玄沙 翠巖
芝云國師與侍者總欠會在如今怎生會

疾令今府松栢
頭令今府松栢
化夜令
乾令
已令
石令
可令

黃龍南頌云國師三喚侍者打草只要蛇驚誰知澗底
青松下有千年茯苓 雪竇顯云師資會遇意非輕無
事相將草裏行負汝負吾人莫問任從天下競頭爭
翠巖真云侍者何曾喚不回國師乾地起風雷當時若
也相逢著九轉還丹化作灰 智海清云國師三喚侍
者侍者三度應諾若言負汝負吾真箇可知禮也 高
庵悟云寶劍連飛急透頂使通神有時輕按處驚動五
湖賓 祖印明云國師年老太多圖截鶴由來要續是
彼此無瘡安樂甚何勞傷損好皮層
忠國師因丹霞來訪值師睡次乃問侍者耽源云國師在
不者云在即在祇是不見客霞云太深遠生者云莫道上
座佛眼也覩不見霞云龍生龍子鳳生鳳兒師睡起侍者

舉似師師乃打侍者二十棒趁出丹霞聞之乃云不謬爲
南陽國師

南堂靜云丹霞不會作客勞煩主人侍者不會作王漏
泄大機國師行間外威排知音者少且通山僧又作麼
生良久云如今四海明如鏡不用和煙帶雨來 應庵
華云侍者喫棒出院蓋千載一時然歸宗豈免眼熱用
霞女雖好手爭奈落在國師網子裏諸人還辨得麼苟
或未然猶握金鞭問歸客夜深誰共御街行
佛燈珣頌云一人把拖逆風頭一箇張帆順水流興發
幾回乘好月飄然不覺過滄洲 佛鑑勸云老例南陽
不識咬丹豈得便每相過一朝龍鳳親生子四海人傳
家不和 石門易云風靜波澄月映空途中人借問山

翁只知回顧幽林下不覺東巖雲霧籠
雲巖因云國
師養子之緣卅霞口甜心苦侍者當時放過二十山藤
輕怨枯木成云尸底門頭也要入暫時不在便因循
家風已被傍人見賊過張弓枉用神
趙州詔禪師因侍者報云大王來也師云萬福大王者云
未到在師云又道來也侍者罔措

黃龍南云頃頃蒲池罕遇僊隨侍者只解報客不知身
在帝鄉趙州入草求人不知渾身泥水
白雲端云侍
者雖然罔措爭奈王令已行王令已行則海晏河清且
道海晏河清一句作麼生道乃云野老不知堯舜力
藝打鼓祭江神

佛性泰頌云應用從來不覆藏當機何得昧真常只知

報道王來也不覺渾身在帝鄉
南巖勝云許由臨岸
洗耳巢父不飲牛水侍者親入帝鄉趙州只在草裏

鳥窠道林禪師因侍者會通一日作辭師乃問汝今何往
云某甲爲法出家和尚不垂慈誨今往諸方學佛法去師
云若是佛法老僧此間亦有少許云如何是和尚此間佛
法師於身上拈起布毛吹一吹侍者大悟更不復他遊
大瀉秀云可惜這僧認他口頭聲色以當平生殊不知
自己光明蓋天蓋地

汾陽昭頌云侍者初心學勝緣辭師擬欲去參禪鳥窠
知是根機熟吹毛當下得心安
真淨文云鳥窠吹布
毛紅日午方高趙王因好翽合國人盡刀
寒若新云
無風市市起波浪碧髻羅紋正眼觀恰值黃河三凍鎖

那羅延窟見龍蟠 佛眼遠云欲乘佛法往南方老大

宗師爲舉揚山花蒲地雖狼籍一陣風來一陣香

洛浦安禪師久爲臨濟侍者濟常稱美云臨濟門下一隻
箭誰敢當鋒師一日辭濟濟問甚麼處去師云南方去濟
以拄杖劃一劃云過得這箇使去師乃喝濟便打浦作禮
濟明日陞堂云有一條赤梢鯉魚搖頭擺尾向南方去不
知向誰家薶薶裏淹殺

雲居祐頌云執侍巾瓶二十年搖頭擺尾出林泉悠悠
直往南方去薶薶淹來得穩眠

法錫

黃檗運禪師一日辭百丈云欲禮拜馬祖去丈云馬祖已
遷化也師云未審馬祖有甚奇特言句乞師不吝丈遂舉

非參馬祖因緣乃云我當時被大師一喝直得三日耳聾
師不覺縮頭吐舌丈云子已後莫承嗣馬祖麼師云不然
今因和尚得見馬祖大機大用要且不識馬祖若承嗣馬
祖恐已後喪我兒孫丈云見與師齊減師半德見過於師
方堪傳授子甚有超師之見

馮山問仰山百丈再參馬祖豎拂因緣此二尊宿意旨
如何仰云此是顯大機之用馮云馬祖出八十四人善
知識幾人得大機幾人得大用抑云百丈得大機黃檗
得大用餘者盡是唱導之師馮云如是如是
佛眼遠頌云家肥生孝子國霸有謀臣拳頭劈口捷未
到無兒孫

百丈政師問南泉諸方善知識還有不說似人底法也

無泉云有師云作麼生是泉云不是心不是佛師云恁麼
即說似人了也泉云某甲即與麼師云師伯作麼生泉云
我又不是善知識爭知有說不說底法師云某甲不會請
師伯說泉云我太急與汝說了南泉為師伯全文海之
大鴻詰云百丈只知瞻前不知顧後南泉為師伯全文海之當時待伊道某甲
不會但云老僧亦不會百丈若下得此一轉語非唯與
南泉為宗匠亦乃與天下人為宗匠
雪竇顯頌云祖佛從來不為人衲僧今古競頭走明鏡
當臺列象殊一一面南看北斗斗柄垂無處討拈得鼻
孔失却口長靈卓云不會誰不會相逢且喫茶不尋
雲水路爭到野僧家白雲端云涅槃老子順風吹囉
哩哩囉爭得知隔嶺幾多人錯聽一時喚作鸚鵡詞

徑山杲云傾腹傾心說向君不知何故尚沈吟而今便
好猛提取付與世間無事人

法眼益禪師出世後長慶會下有子昭自座平昔與師商
確古今心中憤憤一日領衆到責問於師師舉衆出迎特
加禮待主賓位上各掛拂子茶罷昭變色問云長老開堂
的嗣何人師云地藏昭云何太辜長慶先師某甲同座
下商確古今曾無間隔因何却爾地藏師云某甲不會長慶
一則因緣昭云何不問來師云長慶道萬象之中獨露身
作麼生昭豎起拂子師叱云有座此是當年學得底別作
麼生昭無對師云只如萬象之中獨露身是撥萬象不撥
萬象昭云不撥師云兩箇參隨連聲救云撥萬象師云萬
象之中獨露身是撥萬象而退師指住云有座殺父殺

母猶通懺悔，謗入般若，誠難懺悔。昭竟不能對，於是參師發明，已見更不開堂。

天童覺頌云：雖念見佛，破塵出經，現成家法，誰立門庭？月逐舟行，江練淨春，隨草上燒痕，青撥不撥聽，叮嚀三徑就荒歸，便得舊時松菊，尚芳馨。

海會舉禪師到琅琊，問上座近離甚麼處？師云：浙江云舫來。陸來，師云：舫來云：舫在甚處？師云：步下云：不涉程途，一句作麼生？道師云：杜撰長老如麻，似粟，使下去。琅琊乃問侍者：此是甚麼人？者云：舉上座。琊云：莫是舉師叔麼？當時先師教我尋見伊，遂親下堂問上座，莫便是舉師叔？莫恁某甲適來相觸？忤師便喝，復問長老甚時到汾州？琊云：恁時師云：我在浙江，早聞你名，元來見解，我如此何得名？

偏參的到

播襄海琅琊乃作禮

海印信頌云：漁翁蕭灑，任東西蘆管橫吹，和不齊夜靜月明，魚不食扁舟卧入武陵溪。鼓山珪云：官路無人

獨自行，兩家公驗甚，分明路傍偷敗私鹽客，草裏躡身過一生。徑山杲云：奪得驪珠，即便回小根，魔子盡疑猜，拈來拋向洪波裏，撒手大家歸去來。

浮山遠禪師僧問師：唱誰家曲？宗風嗣阿誰？師云：八十翁翁輓繡毯云：恁麼則一句迥然開祖胄，三玄戈甲振叢林。師云：李陵元是漢朝臣。

投子青拈云：水深魚穩，葉落巢疎，復頌月裏無根草，山前枯木花，鴈回沙塞後，砧杵落誰家。

投子青禪師僧問師：唱誰家曲？宗風嗣阿誰？師云：威音前

一箭射透兩重山云如何是相付底事師云金因淮地月
得照郢陽春云恁麼則入水見長人師云祇知荆玉異那
辨楚王心隨後以拂子敲禪牀

丹霞淳頌云珊瑚枝上玉花開風迤清香遍九垓勿謂
乾坤成委曲韶陽曾見睦州來

揚歧會禪師在筠州九峰受揚歧請陞堂下座時九峯勤
禪師抱住師云今日喜得箇同參師云作麼生是同參底
事勤云九峯牽犁揚歧拽杷師云正恁麼時揚歧在前九
峯在前勤擬議師托開云將謂同參元來不是

保寧勇代擬議處云臨行之際更莫匆匆便掌

上方益頌云一拽杷二牽犁平田淺地且相隨恰倒飢
時無草料放開頭角便東西老楊歧老楊歧盡道從來

解弄師

天寧楷禪師僧問師唱誰家曲宗風嗣阿誰師云金風夜
棲無影樹峯巒纒纒雲雲遊

丹霞淳頌云等閑應問豈安排一句全提隱顯該薄霧
依依籠古徑孤峯終不露崔嵬

尼女

文殊師利在靈山會上諸佛集處見一女子近佛而坐入
於三昧文殊白佛言云何此女得近佛坐佛云汝但覺此
女令從三昧起汝自問之文殊遙女子三叩頭指一下乃
至托上梵天盡其神力而不能出佛云假使百千文殊亦
出此女定不得下方過四十二恒沙國上有罔明菩薩能
出此女定須臾罔明從地涌出作禮佛前佛勅出此女定

和上王公道左
可謂云初
任元元未
微在元未
痛口云我
心云

罔明即於女子前鳴指一女子於是從定而出一本云
翠巖芝云僧投寺裡宿賊打不防家五雲云不唯文
殊不能出此定但恐如來也出此定不得祇如教意怎
生體解夾山謔云這公案無不委知文殊爲甚出不
得罔明爲甚出得諸人儼具奔流度刃底眼非但見這
一隊漢敗闕乃至河沙佛祖出來也被作家覷破其或
青黃不辨邪正不分祇管去否女子出定玄沙道底
天童覺云若定若動當人變弄鴻毛輕而不輕太山重
而非重還知老瞿鼻孔在我手裡麼
天衣懷頌云文殊托上梵天罔明輕輕彈指女子黃面
瞿曇者他一倒一起雲蓋智云獨坐靈山誰得知罔
明出定破群迷如今四海皆通達信道無心總不疑

寶峯照云拂拭瑤琴月下彈調高雲曲和還難五侯賀
盡平生志從此詩書懶更看圓覺演云二菩薩出定
笑殺老禪和富嫌千口少貧恨一身多白楊順云文
殊出不得罔明却出得叵耐這冤家冷地裏作賦
世尊因七賢女遊屍臨林一女指屍謂諸姊云屍在這裏
人向甚處去中有一姊云作麼作麼諸姊諦觀各各契悟
感帝釋散花云唯願聖姊有何所須我當終身供給女云
我家四事七珍悉皆具足唯要三般物一要無根樹子一
株二要無陰陽地一片三要叫不響山谷一所帝釋云一
切所須我悉有之若三般物我實無得女云汝若無此爭
解濟人帝釋遂同往白佛佛言憍尸迦我諸弟子大阿羅
漢悉皆不解此義唯有諸大菩薩乃解此義

佛惠泉頌云寒林裏忽逢伊帝釋行檀恨已遲二物索
來何處有却令諸姊皺雙眉嬌尸迦知不知更獻天花
三兩枝 佛燈珣云帝子遊春不逐歌相邀諸姊入苑
隨死人堆裏出身路撥動煙塵見也麼劍利漢不消多
回頭踏著自家底洞雲深處舊煙蘿 龍牙才云屍在
此兮人何在疾雷破山風振海雲飛雨散相見時羈縻
眼睛放光彩 ○我知屍在人本無心本別人相一死之地何仇之得也

舍利弗因入城透見月上女出城舍利弗心口思惟此姊
見佛不知得忍不得忍我當問之纔近便問甚麼處去女
云如舍利弗與麼去弗云我纔入城爾當出城云何言如
舍利弗與麼去女云諸佛弟子中當住何所弗云諸佛弟
子依大涅槃而住女云諸佛弟子既依涅槃而住我如舍

利弗與麼去

○大涅槃經中至如四外一教偏正此位也入十二部中

大鴻喆云一人入城一人出城何言如舍利弗與麼去
若人知得舍利弗月上女二人去處十二時中動轉施
爲無非住諸佛大涅槃若也未知業識茫茫無本可據
清涼和云一出入何云同去會麼拈起拄杖云舍利
弗月上女盡在山僧拄杖頭上若也會得去路無差其
或不然一作出入 ○此明入一門正出二偏之左右門扇

因悟勤頌云本來止體徹根源出入同途只此門已住
如來大解脫掌中至真耀昂坤 佛慧泉云淡籠煙深
鎖霧鷺子寧知此條路直饒撞入涅槃門未第隨他與
麼去月上女真堪悲愛將青黛畫蛾眉 佛燈珣云涅
槃一路同來往寸步寧虧達本鄉鷺子點兒輕借便個

如癰。生。妻。月上女太無良。不塗紅粉。自風光金鎖。
玄關。留。不住。百尺竿頭。信脚行。

文殊大士問菴提遮女。生以何爲義女。云。生以不生生爲
生。義殊云。如何是生以不生生爲生。義女云。若能明知地
水火風四緣。未曾自得有所和合。而能隨其所宜。是爲生。
義殊云。死以何爲義女。云。死以不死死爲死。義殊云。如何
是死以不死死爲死。義女云。若能明知地水火風四緣。未
曾自得有所離散。而能隨其所宜。是爲死。義

佛性泰頌云。生無所生死無所死。風動塵飛。波澄浪止。
和合離散。皆發現。諸月彎弓。雙鵬一箭。南堂靜云。
生以不生生爲生。指天指地。四方行死以不死死爲死。
雙林樹下。亦如此生。不生死。四十九年無一字。掣。

斷金鎖。天麒麟。突出金毛獅子子。

菴婆提女問文殊云。明知生是不生之法。爲甚麼却被生
死之所流。文殊云。其力未充。教中名言

後進山主問修山主。明知生是不生之法。爲甚麼被生
死之所流。修云。苟畢竟成竹去。如今作篋使得麼。進云。
汝向後自悟去。在。修云。某甲所見我如此。上座意肯如
何。進云。這箇監院房。那箇是典座房。修乃禮謝。

正覺逸頌云。進若分明到五臺。修歸真箇入閩來。維那
院主門相對。說著令人兩眼開。

趙州諗禪師因五臺山下有一婆子接待。凡有僧問。臺山
路向甚處去。婆云。葛直去。僧纔行三五步。婆云。好箇師僧。
又恁麼去。後有僧舉似師師云。待我去爲勘過。這婆子明。

日師便去亦如是問婆亦如是對師歸乃陞堂爲衆云臺山婆子我爲勘破了也

玄覺云前來僧也與麼問答後來趙州也與麼問答且道甚處是勘破處又云非唯被趙州勘破亦被這僧勘破琅琊覺云大小趙州去這婆子手裡喪身失命雖然如是錯會者多 大滙詰云天下衲僧只知問路老婆要且不知脚下泥深若非趙州老人爭顯汗馬功高禾山方云一人從苗辨地一人臨崔不悚諸人要識趙州婆良久云開市裏虎

慈明開頌云趙州勘破婆子棄落便合知秋天下幾多禪客五湖四海悠悠 黃龍南云傑出叢林是趙州老婆勘破有來由而今四海清如鏡行人莫與路爲辭

尼惠先頃曰趙州語連天老病有毛邊兒分明勘破久矣未嘗平一惡也

淨照臻云趙州勘破老婆禪語默分明在目前近日五湖參學者剛於歧路走如煙 少林通云趙州勘破語難過無限平人走似梭日暮臺山空寂寂至今猶未絕諸訛 雲蓋昌云臺山路上老婆禪蔡直教入好進前賴得趙州親勘破從茲四海路平然

趙州問一婆子甚發颺去云偷趙州笋去師云忽遇趙州又作麼生婆子便與師一掌師休去

雪竇繼云好掌更下兩掌也無勘處 五祖演云趙州休去不知衆中作麼生商量白雲也要露箇消息貴要衆人共知婆子雖行正令一生不了趙州被打兩掌豈斷牙關婆子可謂去路一身輕似葉趙州高名千古重如山

野軒遺頌云趙州笋被婆偷遭擗如何肯便休合出手時須出手得抽頭處且抽頭海印信云彎弓在勢射難當陷虎之機理最長雖是貪他一粒米誰知失却半年糧地藏恩云趙州老捉箇賊當面勘渠收遭一擗賊不成罪跡已天下衲僧知幾幾無盡居士云趙州挨拶老婆持迦葉難隨盡皺眉却被老婆揮一掌從來多事落便宜佛鑑勸云從來柔弱勝剛強捉賊分明已見賊當下被他揮一掌猶如瘡子喫生姜巖頭巖樺師因沙汰後於鄂渚湖邊作渡子兩岸各掛一牌板有人過渡打板一下師云阿誰或云要過那邊師乃舞棹迎之一日因一渡子拘一孩兒來乃問呈撓舞棹即不問且道婆手中兒甚處得來師以撓便打婆子云婆生

在兩陽
在兩陽
在兩陽
在兩陽

七子六箇不遇知音只這一箇也不消得便拋向水中

琅琊覺云欺敵者亡大瀉智云巖頭業在其中只得

通身泥水婆子雖有丈夫手段也是家醜外揚

大瀉詰頌云親兒棄了更無親撒手歸家能問津呈撓

舞棹波中客休向江頭覓渡人上方益云舞棹呈撓

古渡頭婆婆相見問來由何人拚得親生子拋向江心

更不收月庵果云千尺絲綸世可猜釣頭多是待黃

能自從釣得錦鱗後洗盡渠渠儂滿面埃

保福展禪師與甘長老相者鄭十二娘纔坐定師乃問承

聞十三娘子參見瀉山是不云是師云瀉山遷化何甚麼

處去娘起身偏牀而立其云開時說禪口似懸河何小道

取娘云鼓這兩片皮堪作甚麼其云不敲這兩片皮又作

黃龍三
黃龍三
黃龍三
黃龍三

家
家
家
家

麼生娘云合取狗口

南堂靜頌云鴻山遷化絕音容超起眉毛何處去十三娘孑側身時放出金毛獅子子

行童

五祖大師初在蕪州西山武松遇四祖告云吾欲傳法與汝汝已年邁汝若再來吾尚遲汝即諾遂往周氏家女托生因拋濁港中神物護持至七歲為童子四祖出山路次逢之見其骨相奇異乎常童乃問云子何姓耶師云姓即有非常性祖云是何姓師云佛性祖云汝無姓耶師云性空故祖默識之攜歸出家後付衣法居黃梅東山天童覺頌云黃梅米熟白藕花開問唯佛性體異凡胎衣傳南嶺人將去松老西山我再來兩借皮囊成底事

一箇風月湛無埃 草堂清云無父無兄絕是非江心

誰辨逆流時西山得法東山隱此事只教能者知 佛

國白云垂垂白髮下青山七載歸來換舊顏人却少年

松已老是非從此落人間 無為子云我松何老傳衣

何少前身後身一夢兩覺白藕花開峯頂頭明月千年

冷相照

禪林類聚卷第十

人境 心眼

肢體 真像

人境

臨濟玄禪師示衆云赤肉團上有一無位真人常在汝等

諸人而門出入未證據者看有時有僧出問如何是無位
真人師下繡床扭住云道道僧無語師打一掌拓開云無
位真人是甚麼乾屎橛

雪峯存云臨濟大似白拈賊雪竇顯云夫善竊者神
鬼莫知既被雪峯覷破臨濟不是好手復召大眾云雪
竇今日換你諸人眼睛了也你若不信各歸寮舍自摸
摸看琅琊覺云臨濟可謂冰凌上度過九鞠劍刃上
拾得全身

白雲端頌云春風浩浩烘大地是處山藏煙靄裏無位
真人不可尋落花又見隨流水保寧勇云播土揚塵
沒處藏面門出入太狼當撒屎撒屎渾閑事浩浩誰分
臭與香佛印元云下壁無瑕奪日輝秦王雖愛不輸

授子青頌云無位真人乾屎橛不立頭白發少林洞底松石青面黃物未和梅松後

通照如頌云義林狂步更直收還不可言松針至今四百身來更不在兒孫再李端

機可憐又入相如手一陣清風滿路歸通照逢云無
位真人臨濟消勸君不用更尋討馬道無功遊者稀自
尺竿頭要親到佛心才云聲色不干眼耳天地本自
同根巖下忽逢啼鳥翻身又到松門

臨濟小參云我有時奪人不奪境有時奪境不奪人有時
入境內俱奪有時入境俱不奪克符便出問如何是奪人
不奪境師云煦日發生鋪地錦嬰兒垂髮白如絲云如何
是奪境不奪人師云王令已行天下遍將軍塞外絕煙塵
云如何是人境內俱奪師云并汾已信獨處一方云如何
是人境俱不奪師云王登寶殿野老謳歌

克符復頌云奪人不奪境緣自是諸訛擬欲求玄旨思
量反責騷驪珠光燦爛蟾桂影婆娑觀面無差互還應

如便木角
一服應得本
任中果

滯網羅奪境不奪人尋言何處真問禪禪是妄究理理
非親日照寒光澹山搖翠色新直饒玄會得恰似眼中
塵人境兩俱奪從來正令行不論佛與祖那說聖凡情
擬犯吹毛劍還如值木盲進前求妙會特地打稽顙人
境俱不奪思量意不偏主賓言不異問者理俱全蹋破
澄潭月穿開碧落大不能明妙用淪溺在無緣
大同濟禪師僧問如何是本來人師云共住不相識云恁
麼則禮拜去也師云暗舄愁腸寄阿誰
保寧勇頌云共住同行世莫知幾人當面便逢伊縱饒
紹續家門者半是貧寒乞養兒
趙州諗禪師問投子大死底人却活時如何子云不許夜
行投明須到

當別下下別
依下下別
月七日時
乃取切下別
引今之但
大中寺下
如之

雪竇顯頌云活中有眼還同死藥忌何須緊作家古佛
尚言曾未到不知誰解撒塵沙白雲端云死去活來
牙尚露投明須到已先行誰家別館池塘裏一對鴛鴦
盡不成長靈卓云虛空座出鐵牛兒頭角分明也大
奇踏破澄潭深處月夜闌牽向雪中歸佛印元云大
死底人同活人三千愛俠又隨塵李陵本是收番將却
作降番上將身徑山杲云禾黍不陽艷競栽桃李春
翻令力耕者半作賣花人
趙州僧問路逢達道人不得許州信
人從陳州來不得許州信
大漁行頌云滿滿彎弓射不落長長揮劍斫無痕堪笑
日月不到處箇中別是一乾坤

夾山會禪師僧問如何是夾山境師云猿抱子歸青嶂後
鳥嚙花落碧巖前

法眼云我二十年來只作境話會却浮山遠云直饒
不作境話會亦未會在何故犀因翫月通於角象被雷

驚花入牙

琅琊覺云且道如今怎生會良久云上士

遊山水中人坐竹林

投子青頌云月皎青松鶴夢長碧霄丹桂掛羚羊巖高

壁仞千峯雪不笋生條半夜霜寶峯祥云古鏡重磨

又一新一回出匣一驚人不顯城下風雷吼老老禪翁

把要津丹霞淳云蚌含明月珠生腹龍擁深雲雨灑

空莫向平田翻巨浪直須點點盡朝東徑山杲云境

話會來猶未是却問而今作麼生清涼元本鼻頭直夾

過庵成頌云路過深林鳥山裏更應思天外急趨下夜寒寂

山依舊兩眉橫

雲門假禪師僧問如何是大修行底人師云一槓在手

大中德頌云手中一槓絕痕瑕道聽途傳轉見賒作者

至今拈不起依前獨自挈歸家

鳳翔石柱禪師遊方時到洞山即青林也值山示衆云有四種

人一人說過佛祖一步行不得一人行過佛祖一句說不

得一人說得行得一人說不得行不得那箇是其人師出

衆云一人說過佛祖一步行不得祇是無舌不許說一人

行過佛祖一句說不得祇是無足不許說一人說得行得

我是函蓋相攝一人說不得行不得如斷命求活此是石

女兒披枷帶鎖山云閣梨分上又作麼生師云該通分上

卓卓寧彰山云祇如海上明公秀又作麼生師云幻人相

逢撫掌呵呵

三篇年久銘，牛馬年久，此乃六中，合也。

丹霞淳頌云，水底泥牛耕，白月雲中木馬驟，清風胡僧懶，捧西乾鉢，半夜來，舟過海東。

靈峯顯禪師僧問，如何是諸佛向上人？師云，白雲覆青山，云莫便是和尚為人處也。無非云，淥沼徒長葉。

投子青頌云，雪嶠層層翠鎖深，風生寒岫結重雲，夜來丹鳳冲霄漢，曉樵人逐鴈群。

心眼

十祖脇尊者因十一祖作童子時，來祖乃問，爾從何來？云，我心非往，祖云，爾住何所？云，我心非止，祖云，子不定耶？云，諸佛亦然，祖云，爾非諸佛？云，諸佛亦非。

翠巖芝云，祖師與童子一問一答，總欠會在，如今作麼。

牛生會

南堂靜頌云，諸佛亦非國泰家肥，出窠獅子報曉金雞，馬祖一禪師示衆云，汝等諸人各信，自心是佛，此心即是佛心，達磨自南入竺，國來至中華，傳上乘一心之法，令汝等開悟，僧問和尚爲甚麼說，即心即佛，師云，爲止小兒啼，云啼止後如何，師云，非心非佛，云除此後如何，指示師云，向伊道，不是物。

翠巖真頌云，白馬雄兵出將軍，獵渭城不開弓矢力斜，漢月初生，圓悟勸云，無鬚鑽子八面玲瓏不撥，目轉南比內，東海仲知貴，不知僧留與人間，非照夜，佛國白云，心心即佛，佛心心即佛，心心即佛，心心即佛，悟來無一物，將軍止渴，望梅林，佛鑑勸云，美如西子，離金閣。

嬌似楊妃倚玉樓猶把琵琶半遮面不令人見轉風流
長發卓云風勁葉頻落山高日易沈坐中人不見牆外
白雲深黃龍震云敲之即響聽則無聲嚴冬汗濕酷
熱冰清試問道途來往客長安此去幾多程

盤山積禪師示衆云三界無法何處求心

雪竇顯頌云二界無法何處求心白雲爲蓋流水作琴
一曲兩曲無人會雨過夜塘秋水深佛性泰云三界
無法何處求心山容雨過松韻風吟橫眠倒卧無餘事
一任莓苔滿地侵佛鑑勸云青青入座當軒竹點點
遮門對面山更有一般堪羨處夜深流水響潺潺
麻谷徹禪師問臨濟大悲千手眼那箇是正眼濟云大悲
千手眼作麼生是正眼連消凍道師拽濟下禪牀却坐濟

遂起云不審師擬議濟便喝拽師下禪牀却坐師便出去

達觀頌云諸德此二尊猶如此且道怎生今時人總道
照用照甚麼據一切人只解自騎馬去捉賊自持刀去
殺賊此二人使能拿賊馬捉賊奪賊刀殺賊雖然如是
臨濟雖是得便宜却是落便宜

保寧勇頌云多年塞上只聞名今日陣前親見而足馬
單鏑戰數場好是見機關一箭海印信云大悲正眼
問來端互換之機子細看會得不得亦顛頂也似黏魚
上竹竿覺海元云正眼英雄逢正眼勝負短長徒用
揀那吒現出本來身且非父母能生產普融平云相
逢狹路轉身難一陣交鋒瞬息間旗號縱橫渾莫辨試
問何人得勝還

龐蘊居士問馬祖不昧本來人請師高著眼祖直下覷士進云一種沒絃琴唯師彈得妙祖直上覷士乃作禮祖歸方丈士隨後入云弄巧成拙此中可見

雲峯悅云且道賓家弄巧成拙主家弄巧成拙還有人揀得出麼若揀得出三十棒一棒也較不得若揀不出明年更有新條在惱亂春風卒未休 琅琊覺云一夜作竊不覺天曉

保寧勇頌云浩浩擎山頂嶽來撐天拄地勢崔嵬從教弄巧翻成拙撒手前行更不回 佛眼遠云與子偕行今日路與君共看本來人同名同姓同形段無死無生無色塵 佛鑑懃云馬師素有擎雲手龐老猶伸掣電機上苑鶯鶯相對語朱樓鸞鷺一雙飛

雲巖晟禪師問道吾大悲菩薩用許多手眼作甚麼吾云如入夜間背手摸枕子相似師云我會也吾云汝作麼生會師云徧身是手眼吾云道也太煞道只道得八成師云某甲只恁麼師兄作麼生吾云通身是手眼

雪竇顯頌云徧身是通身是拈來猶較十萬里展翅崩騰六合雲搏風鼓蕩四溟水是何埃壘兮忽生那箇毫釐兮未止君不見網珠垂範影重重棒頭手眼從何起喝 佛心才云浪若怖回鏡裏首那吒還復舊時身不知千眼從何起便道全軀在刹塵 大洪預云弟應兄呼豈偶然嬉遊時在舊山前通身手眼如何會拾得寒山笑揭天 天寧璉云通身是手眼徧界不曾藏背摸床頭枕翻身嫌夜長

名ハハレテ
子此ハミレニ
ミレニミレニ
ミレニミレニ
ミレニミレニ

因指云成
銀子云成
銀子云成
銀子云成
銀子云成

趙州論禪師問僧甚處來云雪峯來師云雪峯近日有何
言句僧云雪峯示衆云盡大地是沙門一隻眼汝等諸人
向甚處局師云上座若回雪峯我寄箇鉢子去與他
保福展云南有雪峯北有趙州琅琊覺云衆中有云
寄鉢子去埋却趙州若道寄鉢子去便道盛粥飯用狂
解益見作麼商量不是傳鉢子謾說學州青雪竇顯
云這僧既不從雪峯來可恨趙州鉢子
正覺遠領云南望雪峯猶萬里北遊未踏趙州關賺他
一隻破鉢子二百餘年去不還佛慧泉云石橋一路
滑如苔閩嶺風高凍不開相見盡言將歷去幾人曾到
雪峯來鼓山珪云大地是眼何處局天下不柰雪老
何趙州寄箇鉢子去方得此話圓堵堵徑山杲云途

路波叱數十州傳言送語當風流不知脚下泥生刺踏
著錐人脚指頭

保壽第二世禪師開堂日二聖和尚乃推出一僧師便打
聖云恁麼爲人瞎却鎮州一城人眼去在師仰歸方丈
雪竇顯云保壽三聖雖發明臨濟正法眼藏要且只解
無非足稱尊當此道僧若是角漢纔被推出便掀倒裡
鉢直饒保壽全機也較三千里雲峯悅云臨濟一宗
掃地而盡因甚麼却到這裏蒼枯拄杖云甚麼處去也
鴻山秀云保壽爲將因何三聖却作中軍可惜鎮州一
城人眼至今未辨東西然清議之排必有竊吹之處當
時連三聖趙州必然救得鎮州一城人眼五祖戒別
保壽云千鈞之弩不爲鼯鼠而發機琅琊覺云不是

三聖爭到今日然雖如是錯會者多 大鴻詰云保壽
大似襄中天子勅止行二聖塞外將軍令正舉還有不
惜性命者麼出來與老僧相見要斷不平之事良久云
構按鎮鄧全正令太平寰宇斬魏頌
黃龍南頌云寶華王座始登時三聖推僧次衆疑棒下
分明無若少天下盲人幾箇知 佛號白云臨濟家風
兩獻酬推僧棒晤見宗猷若非保壽全機眼更有誰明
話頭 保寧男云黑白未分著著寄住他閑漢畔頭
窺不知除却伸倦手更有何人教得伊 徑山杲云提
起須彌第一捷電光石火太遲遲象王行處狐蹤絕御
子咆哮白獸危

雲門偃禪師僧問如何是正法眼師云普

黃龍心云更道箇瞎且圖粥得相見

洞山聰頌云普之一字豈尋常擡手須看掣電光擬議
思量生會解堪嗟剜肉作身瘡 大愚芝云說佛說法
廣鋪舒天上加尖也太愚明眼衲僧傍覷見一條拄杖
兩人昇 白雲端云頂上有來真箇瞎輝天輝地不同
時大悲手裡拈擎出獨自夜行誰得知 正覺逸云普
之一字天然別著眼者時如電掣宇宙茫茫無處尋秤
槌踏著硬如鐵 圓通僊云應機無出老韶陽法眼咨
詢普字當機會若非獅子才一場閑夢過瀟湘
天章啓禪師僧問如何是應用無虧底眼師云恰如瞎一
般

丹霞淳頌云盲聾瘖瘂過天真眼似眉毛道始隣昨夜

東君偕布令黃鶯啼處綠楊春

護國澄禪師僧問如何是本來心師云犀因說月紋生角象被雷驚花入牙

卅霞淳頌云三脚靈龜荒徑走一枝瑞草亂峯垂崑崙舍玉山先潤涼兔懷胎月未知

肢體

達磨大師將返西天謂門人云時將至矣蓋各言所得乎時門人道副對云如我所見不執文字不離文字而爲道用師云汝得吾皮尼總持云我今所解如慶喜見阿閼佛國一見更不再見師云汝得吾肉道育云四大本空五陰非有而我見處無一法可得師云汝得吾骨最後慧可禮拜後依依而立師云汝得吾髓於是傳法付衣

此十二時律善調陰陽

六律者

大正族正月

夾鐘二月

姑洗三月

中呂四月

蕤賓五月

林鐘六月

夷則七月

南呂八月

應鍾九月

黃鐘十月

大呂十一月

夷則十二月

蕤賓

林鐘

夷則

明安云且道更有一人出來得箇甚麼乃云不得不得又云意況不到翠巖芝云二祖被他當面塗糊莫道髓皮也不曾摸著因其却紹祖位天衣懷云祖師與麼說話無計較中翻成計較無塗轍中却成塗轍若教伊踏著德山臨濟門下免見九年冷坐被人喚作壁觀胡僧直饒如是也未免殃及兒孫五祖演云當時若見他二人恁麼道各人好與三十棒只如白雲今日也合喫二十九棒留一棒與你諸人其間若有知痛痒者不辜負先聖亦乃得見白雲其或未知堂裏喫粥喫飯更須爛嚼多見是渾圓吞却

佛國白頌云缺齒胡僧到大唐却將皮髓強分張九年磨羅空歸去添得華人笑幾場

保寧勇云門前諸子

列成行各逞英雄戲霸王如何獨有無言者坐斷毗盧
不可當 正覺逸云少林真嗣撰全才諸子紛紛點額
間衣法莫言容易得曾憑三拜作良媒 地藏恩云當
門齒缺真堪笑面壁無言坐九年皮髓些些分俵了依
前懺懺返四大 枯木成云四維上下絕遮欄涌出冰
壺印碧大無孔箇中藏六律一聲驚起釣魚船
南泉願禪師示眾云王老師賣身去也還有人買麼時有
一僧出眾云某甲買師云不作貴不作賤你作麼生買僧
無語

買賣云落口本意云

趙州云明年與和尚作一領布衫 卧龍珠代云和尚
屬某甲 澄源代云是何道理 雪竇顯云雖然作家
競買要且不解輸機且道南泉還肯麼雪竇也酬箇價

不事公府
買賣云

野茶坊主
買賣云

直令南泉進且無門退亦無地不作貴不作賤作麼生
買別處容和尚不得 佛鑑歎云透入索價若地相酬
也須是當行家始得若非當行價例小等不成買賣
泉大道頌云貴賤非同價不常箇中交道勿商量趙州
布衫應時用一任閑人說短長 野軒適云南泉鋪席
大開張差寶希珍歷市行競買雖多酬價少至今天下
錯商量 海印信云賣身王老難爲價貴賤俱非不易
酬若使當時無退悔喚來分付與園頭 保寧勇云王
老衰哉不惜身臨危將賣與何人若無令子輕酬價往
住一年空過春

南泉因僧來參乃叉手而立師云太俗生僧合掌師云太
僧生僧無語

保寧勇代撒手，例行求去。

佛眼遠頌云：南北東西無不利，令久深愛老南泉。眉毛厮繫如相似，鼻孔遶天不著穿。

南泉云：喚作如如，早是變了也。今時人須向其類中行，始得。趙州在僧堂前，見師便問：「異即不問，如何是類？」師以手托地，州以脚踏。師倒地，州走入延壽堂，叫悔悔。師令侍者問悔，甚寒。州云：「悔更不與兩踏。」

保寧勇頌云：張公移住向深村，破賊潛身入後門。鍋子一時偷去後，更來敲牖說兒孫。佛日才云：「父不慈子不孝，作之在前，悔之在後。」明眼衲僧，難緘其口。

馮山見仰山從外入，師以兩手握拳相交，示之。仰山便作女人拜。師云：「如是如是。」

德化

佛鑑懃云：須知道解與師齊，戒師半德見過於師。方堪傳授，馮山纔向針鋒上把定，乾坤仰山便向藕絲裏開張。世界且因甚如此？不見道功多業就，水到渠成。大馮智云：功已成，名亦遂。父父子子有巴，有鼻千古之下，如金擲地。諸仁者還知麼？馮山搖頭，仰山擺尾，理合如斯。因事長智，周公制禮如是如是。塗毒策云：恁麼說話，豈不是奇特？商量殊不知。馮山父子無繩自縛去死，十分秋如馮山以手握拳相交，示之。何似塗毒轉箇拄杖子，自西邊拈過東邊，且道是同是別？箇裏不曾閑活眼，知君泥水未嘗分。

慈受深頌云：佳人十八正嬌癡，一曲堂前舞柘枝。只有玉郎知雅態，更無人道柳如眉。

臨濟玄禪師因趙州遊方到院在後架洗脚次師便問如
何是祖師西來意州云恰遇山僧洗脚師近前作聽勢州
云會即便會唱咏作甚麼師便歸方丈州云三十年行脚
今日錯爲人下註脚

玉泉璉云二老相見各有來由明暗互換強弱相持檢
點將來大似賊偷賊物要識他用處麼一條拄杖兩人
擎好手手中呈好手似源岳云半兩半晴挑紅李白
點著使行不勞唱咏那箇是他錯下註脚處試道看
鼓山珪頌云洗脚處更不安排側聆時非是唱咏趙州
臨濟二老人相見何曾下註脚徑山杲云一人眼似
鼓槌一人頭如木杓帶箇老不識差至今無處安著
長慶稜禪師僧問如何得不疑去師展兩手

投子青頌云展手之時萬仞摧枯河無水月無來若疑
別問廬居士石女黃梅誰共陪

魏府大覺禪師僧問如何是本來身師云頭枕衡山脚踏
北嶽

保寧勇頌云主山之後案山前下是地兮上是天身于
太長衫袴短醉狂贏得樂豐年

文殊禪師僧問古人垂一足意旨如何師云坐久成勞
投子青頌云馳弄纔去返忽忽一足垂酬繼後蹤坐久
成勞誰委悉紅爐點雪自相通

龍濟修山主同法眼悟空三人到地藏阻雪附爐次藏問
山河大地與上座自己是同是別師云別藏豎起兩指師
云同藏亦豎起兩指便起去師問指迷投誠入室

木山云云這箇漢向火也不了更只管說同說別直饒
見得歷歷分明正在途中向木山門下直須喫棒何故
十語九中不如一默

白雲端頃云地藏當鋒豎指頭諸老至今猶木警天迴
地轉却等閑千古萬古兩條鐵保寧勇云商量同別
有多般潦倒何曾鼓舌端今古不能提得去一雙靈劍
倚天寒佛印元云山河大地兼同別口中未有娘生
舌多知禪客強分疎甕裏何曾走却鼃

黃龍南禪師室中垂問學徒云我手何似佛手我脚何似
驢脚人人有箇生緣處那箇是上座生緣處少有契其機
者天下號為黃龍三關師後有偈示衆云生緣斷處垂驢
脚驢脚伸時佛手開為報五湖參學者三關一一透將來

旻古佛頌云我手佛手兼舉彈人直下薦取不動干戈
道出當處超佛超祖我脚驢脚並行步步踏著無生會
得樂叔日卷方知此道縱橫生緣有語人皆識水母何
曾離得蝦但見日頭東畔上誰能更喫趙州茶照覺
總云佛手纔開古鑑明森羅無得隱鐵形朝朝日自東
邊出多少行人問丙丁驢脚伸時動地輪大洋海底播
紅塵唯餘庭際青青栢一度年來一度春垂問生緣何
處來到家禪客絕纖埃毗盧剎海周遊也休說峨嵋與
五臺佛眼遠云佛手驢脚生緣黃龍元無此語直饒
恁麼知之我儂亦未相許奉報四海禪人第一不得錯
舉

五祖演禪師每見僧來師乃展手問云何故喫作手

化只如貌真不覺靈醜

佛眼遠頌云師真醜拙不堪呈用盡身心笑殺人波中莫覓絲頭意白鼻崑崙賀新正

洞山价禪師問雲巖云和尚百年後忽有人問還邈得師真如何祇對巖云但向伊道只這是師良久巖云价闍梨承當這箇事大須審細師無語巖便打後因供養雲巖真有僧問先師道只這是真便是是不師云是僧云意旨如何師云當時幾錯會先師語云未審先師遠知有也無師云若不知有爭解恁麼道若知有爭肯恁麼道

長慶稜云既知有為甚恁麼道又云養子方知父慈天童覺頌云爭解恁麼道五更雞唱家林曉爭肯恁麼道千年鶴與雲松老寶鑑澄明驗正偏玉機轉側看兼

到門風大振兮規步綿綿父子變通兮聲光浩浩九峯度禪師僧問一筆丹青為甚麼邈誌公真不得師云僧繇却許誌公云為甚麼却許誌公師云烏龜稽首須彌柱

便許座下烏龜

投子青頌云荆山採玉下人尋至寶無瑕絕見因鐵牛帶子踏滄海撞月石龜長羽鱗

文殊禪師僧問僧繇為甚麼邈誌公真不得師云非但僧繇誌公亦邈不得云誌公為甚麼邈不得師云彩繪不將來云和尚還邈得也無師云我亦邈不得云和尚為甚麼邈不得師云渠不以苟我顏色教我作麼生邈丹霞淳頌云身光熾盛相巍巍妙筆如何彩繪伊休問僧繇吳道子誌公他自不能知

禪林類聚卷第二

文殊注云傳教一得ト云フ傳教モバカリノ益味ナカサトテ諸公ノ要相ヲハカシドリモスト云ハ
 シツラミナリ付クイホク云明一。要相ミ至ツテハ當人ノ諸公モラツンヤヌメアリハ諸公一得ト内事
 彩繪ノ果妙要相ハツラシ生タ以テイハル間ツテハ等クス描不可登不脱ノ要相
 ヲソモ和而一得ト云ハ叶ヌ我一得又ヌ和ハ大善謝ナリルカ何トテハクスルツンヌヌ
 云云渠一色ト云ハ諸公ノ顔色ハ高カ顔色ト相シツル彩シテモ見ラヌス有ルカ此要相
 渠ノ顔色化相相ツハナシム人ノ事教我一應更ニモ事以カ及バヌス △頭ニ身更下ハ
 渠ノ一ツと爛熳ハ此要ノ文彩ノリキヤナクモ相出體ナトハ此要相ニ及ミヤナカ
 ナバヌストト云妙筆ナモ此ノ伊レハ彩繪セウシテイフ傳教異道トモ登レシテ
 一ノ事休向ハ諸公一知ヌヌヌ如クノ要相ツ

